

Ioannes III. Sobieski.

Poloniarum Rex

Witwicki Ioan. Stanislaus Serenissimi ac Poten-  
tissimi Principis D.D. Ioannis III. — electus ex  
providentia, corona ex iustitia comprehensione de-  
lineata.

PAN. G. et VITAE

Polon. Fol.

Nº 1299.



I

A



358  
356  
S E R E N I S S I M I

A C

POTENTISSIMI PRINCIPIS  
D. D. IOANNIS III.

D E I G R A T I A

Electi & Coronati Regis Poloniæ,  
Magni Ducis Lituaniæ, &c. &c. &c.

E L E C T I O

E X P R V D E N T I A ,

C O R O N A

E X I V S T I T I A ,

C O M P E N D I O S E D E L I N E A T A ,

E T

Sacræ Regiæ Maiestati præsentata,

I N T E R S O L E M N I A C O R O N A T I O N I S

C R A C O V I Æ ,

Anno Salutis M. DC. LXXVI. Die 2. Februarij.



SEPTISSIMI



Anno Salutis M. DC. L. Die 2. Februarij







# DEDICATIO.

SACRA REGIA MAIESTAS  
DOMINE CLEMENTISSIME.



Vi Augustam illud Vniuersi Volumen  
Mundum, Adamantino stylo connotatis,  
Hæroicarum Virtutum occupas actionibus: e-  
iusque Superam & Inferam paginam, æternis  
imples Characteribus, PRINCEPS AVGVSTIS-  
SIME :: Cui Christianus & Barbarus Orbis,  
Ecclesia, Patria, Ciues, & qui viuunt, & qui vi-  
cturi sunt, in Summa Elogiorum transeunt argu-  
menta: illius Augusta opera, ad angusta contra-  
here Compendia Regio Cultui Tuo dicatus Ca-  
lamus, ea præsumit necessitate; quæ aut infinitâ  
illam Supremi Numinis Maiestatem, toties hu-  
manis audet deffinire conceptibus; aut ingentes  
Terrarum, Cœlorumque globos, exiguis solet  
auctare paginis. Humanæ nimirum in Gratiam  
imbecillitatis, quæ si non capit, carpit; etiam in Sa-

cro-





croſancta. Dabis itaque vrgenti huic neceſſi-  
tati veniam PRINCEPS HUMANISSIME:  
Solumque Tuum id etiam commune cum Sole  
habere facies, ſi radijs Clementiæ minutiffimos  
alleuans Attomos, digna Maieſtate Tua ex  
illis formaueris Metheora.

SACRÆ REGIÆ MAIESTATIS TVÆ

humillimus Seruus

& indignus coram DEO Exorator

IOANNES STANISLAUS WITWICKI,

Præpoſitus Infulatus

Sacræ Maieſtatis Tuæ Secretarius.



## ELECTIO

EX

## PRVDENTIA.

**Q**Væ tribus digitis appensam mundi sustinet molem: quæ in statera Æterni consilij, Regnorum Ortus, & incrementa, casus & Occasus librat: eadem Principes populis aut imponit, aut largitur dextera. Princeps Augustissime; Eius nutu exsurgit quisquis in terris eminet: quisquis Numinis gerit vices; Hoc tamen discrimine, quod alij Principes, Dei Gratia concessi; alij eiusdem Indignatione immissi; alij vt ros cæli, alij vt Spiritus procellarum descendentes: palàm faciunt; Quod pro Meritis Subditorum, disponatur à Deo vita Rectorum.

Quos Numen auersum castigandis Populorum noxis, Principes nominavit: illis ad Thronum CASVSVE DEVSVE pandit iter. Horum Regna, eorundem Syderum reguntur aspectu, quorum influxus dederat Reges. Talium Principum fulguris ad instar, tota vis in ortu sita; plerumq; parent & disparent; sibi non alijs exorti, per depressas populorum assurgunt ceruices. Regnorum suorum Fastos; Fastu, Calibus cædibusq; implent: publicis calamitatibus regiminis sui insigniunt tempora; dumq; AVGVSTIS, TRAIANIS, CONSTANTINIS, THEODOSIIS associari non valeant; NERONES, GALBAS, VITELLIOS, DOMITIOS, HELIOGABALOS, imitantur: & quemadmodum à communi bonorum Principum via; vita & moribus aberrant; ita regiminis exitu in hoc præcipuè dispares; quod vbi inuenerint,

A

qua



qua CVM GENTE CADANT, ingentibus Imperiorum tumultantur cum ruderibus; quibus serus inscribit Viator. CVM POPULO IACET HIC ET IPSO CVM REGE REGNUM. Et hæc de Principibus qui aduerso obueniunt cælo; hæc de fulminibus quæ in subiecta inuisi populi capita irati Iouis proicit dextera.

Iam verò quos propitium Numen, serenum cælum, tribuit Principes; in quibus Genuinam supremi Originalis Idæam, Vicariam Regis Regum potestatem exhibere constituit; Eos diu sub velo Fatorum, Arcano consilio, velut in PROSCENIO, belli pacisq: exercitatos artibus; ex meritis, ex dignitate ex capacitate lectos; extra ambitum quæsitos, ex millibus selectos, REGIA VIA PATRIJS LEGIBVS, ET INSTITVTIS ad Regale vel reluctantes ducit Solium. Idq; illis ipso in limine dignitatis tribuit, vt non more monstrorum aut abortiuorum, sed sine conuulsione status, sine dolore, sine sanguine & lachrymis, parturientis Reipublicæ nascantur. Id insuper cum Sole Planetarum Principe commune habentes; vt modestam & verecundam ante Ortum explicent auroram; vt Lucem quâ prosint, non obsint diffundere: fulgere non fulminare: vmbras pellere non oculos ferire; lachrymas desiccare, non prouocare nati videantur gradario ad Solium procedentes passu, nec nisi cumulatis in populum beneficijs, coronatis felicitate publica subditorum temporibus, Verticale in meridie ascendunt Zenith: non mutuata ad instar lunæ coronandi luce; sed propria virtute emanatis, cingendi radijs.

Nobis hæc in Electione Tua Diuinitus contigit felicitas, Regum desideratissime; dum tot annorum decadibus auersum à nobis cælum; Serenissimo Nominis Tui gratiâ illuxit Sydere. Tum primo fauentis Numinis vultum, velut in speculo, nostris contemplati sumus in terris, dum ille Electoris populi campus; qui toties digladiantium odiorum arena, factus; toties Ci-  
uili



uili in gratiam Candidatorum sudare visus sanguine;  
in quo velut in Theatro fortunæ, tot Comicas tot Tra-  
gicas lufit vicissitudo scænas. Coronam Sarmaticam  
modo ad rotas, modo ad malleos damnans; modo per-  
nicitati equorum asportandam relinquens; modo Mar-  
ti modo arti occupandam exponens. Ille inquam  
Campus tot casibus dolisque peruius, qui eo toties de-  
uenerat infelicitatis, vt velut **MALEDICTA TERRA**, nil  
**PRÆTER SPINAS ET TRIBVLOS GERMINARE** creditus, Ex-  
ternæ segetis indigus censeretur; se iam non modo bo-  
narum legum, sed optimi Principis feracem ostendit.

Dabantur Nobis velut in **JRA DEI REGES, QVORVM**  
**LINGVAM NON INTELLIGEBAMVS**, mores non nouimus;  
de affectu dubij; de effectu promissorum incerti; Rem-  
publicam ad instar illius Statuæ habebamus; quæ Ge-  
nere, Specie, & Metallo diuersum à corpore, gerebat  
caput; Monstro simillima. Hinc illa cauillandi Gen-  
tem Nostram apud plerosq; occasio, dum Nos à Serbis  
seu Seruis tum Sclauonibus Oriundos, perpetuæ Exter-  
norum Principum subiectioni alligatos (capitis rasu-  
ram, cincturam, notas seruitutis in Nobis appellabant.)  
illi adscribebant Maledictioni; **Non exhibit Dux**  
**de femore Tuo Polonia.**

Erat animus penultima Electione, & Optimum &  
Indigenam, quærere Principem; sed quia necdum ve-  
nerat **PLENITUDO TEMPORIS**, necdum propitium fauebat  
Numen; eo momento quo ad Suffragia itum, Nox So-  
lem mundi oculum occuluit; quo facilius in obscuro,  
Princeps Auguste, libera à Te pro tunc deuiarent vota:  
Ita pro aliquot horis denegatum tum Solem, fauentius  
Cælum triduana post compensat luce. Fauit Ordini  
Poloniæ imperfectæ Triadi, Summa illa &  
perfecta desuper Trias; dum sibi Sacrum, Tuæ Electio-  
ni cum alijs duabus concederet diem; scilicet medium  
Creati mundi tempus, recreandæ Poloniæ nata, **Tua Ele-**  
**ctio vel ideo insumpsit; vt facile constaret vniuersis, pro-**



motionem Tuam ; Diuinum esse Opus. Ex eodem,  
Omnipotenti FIAT, & solem quondam nascente mun-  
do Exortum, & nunc solium tuum exstructum. Quæ  
omnia quibus motiuis & medijs facta ; & Tuæ Virtutis,  
& Electoris Populi prudentiæ interest. vt totus fateatur  
Orbis, quia in Persona Tua, **Fecit nobis magna  
qui potens est.**

Roma Sacro Conclauī Purpuratos Principes ; Fran-  
cofurtum vallo & munitionibus vrbis, Augustum,  
Octouirum includit Collegium : Venetia tacitis suffra-  
gijs vrnaque Electionis Suæ tegit MISTERIA ; Sola Polo-  
nia patentibus Campis, Cælo teste, aperta in Electione  
Principis explicat vota. Ideoque ni suprema Numi-  
nis faueat protectio, tot malis peruios, Electoralis Po-  
puli Campos, ex anteaكتورum memoria supra mon-  
strauiamus. In Tua Electione Princeps Auguste, lucu-  
lento sensimus experimento, Campum Electoralem in  
Augustum Conclauē commutatum. vnde **Fati ne-  
cessitatem, Casuum Varietatem, Fortunæ  
leuitatem** & prouidentia Diuina, & prudentia hu-  
mana, exclusam spectauimus. Adeo amor boni pu-  
blici fida eum cinxerat custodia ; vt nec aureis clauibus,  
nec mille dolis Sarmaticum patuisse Conclauē exoticus  
repererit Mercurius. Vidit seipsum inde exclusum,  
vnde Principem Indigenam Summo Gentis Nostræ  
dedecore excludere contendebat.

Dabantur patulæ Externis Oratoribus aures ; Corda  
Tibi soli patebant, quem afflictis in tutelam rebus No-  
stris, ille designabat : **PER QVEM REGES REGNANT.** Eri-  
gebantur ignotis Altaria Diuis, ingentibusq; fumabant  
promissis ; nec tamen **CVRRIMVS IN ODOREM** ; nec ta-  
men Imperij Nostrī fortunam, ibi litare voluimus. Mul-  
ti Nostrum Externis vincebantur fauoribus, nemo ta-  
men de longe petitis vincebatur argumentis ; & si quis-  
piam ingenioso illo Ternarioque numero insignito, al-

liga-



ligaretur vel m<sup>a</sup>nciparetur vinculo; Electionis Tux die  
fateri debuit; Supremam Triadem Tibi tam fuisse pro  
pitiam, vt Aduersantes illos Virtuti Tux destruxerit Ter-  
narios. Solueritq; in Electione IOANNIS, & linguas  
& nodos; scidit æternum Consilium virides nouæ ex-  
ternorum Spei Gordios; vt innodati animi, pristina  
qua eligendus eras restituerentur libertati.

Ita Numine pro te operante, modestia Tua tacente,  
internus cuique pro dignitate Tua, pro bono publico,  
(quod in Te solo iam cernebatur) loquebatur instinctus;  
& quemadmodum sol sine interprete, clarus; sine promif-  
fis beneficus; sine digito monstrante notus vniuersis  
comparet; ita Tu sine ambitu, sine Oratore, sine pro-  
motore, dum alienam fortè agebas causam; Tuum ab  
eis videras promoueri negotium in Electorali Campo,  
quorum Tu toties in Martiali arena tuebaris Salutem.  
Eorum omnium Iudicio, quos TVÆ FECERVNT VICTO-  
RIÆ CIVES, solus præ cæteris visus es, qui Orbitatis No-  
stræ pensares, superareque iacturas.

Gratum erat Genti Nostræ etiam illo afflictissimo  
Statu, tot tantisque recensere Candidatos: at longe  
gratius intra se, in vno CONCIVE suo, velut in Com-  
pendio totum id reperiri, quo sparsim ab extra mon-  
strabatur.

Erant quorum matura ætas, defæcatam iactabat pru-  
dentiam; sed exacti æuo dies, Martialium laborum ne-  
gabant tollerantiam; vel debitam in tanto periculorum  
æstu, desiderabant actiuitatem. Erant quorum vege-  
tiores anni, feruentiorem Sanguinem, ipsumque spira-  
bant Gradium: sed rerum experientiam, non nisi per  
Casus & errores parandam, futura primo promittebant;  
non præsentia dabant tempora. Alteri, excelsæ animi  
dotes, belli pacisque decora, emeritam spondebant.  
Coronam; quam vicinus negabat liuor. Alios iusta  
ratio, alios immerita ab eadem arcebant odia. Ita nul-  
lius Candidati splendor, sine sequace vmbra: nullius



Thesis sine obiecta erat Antithesi. Vnumquemque aliquo in rem Nostram commodo comitatum, mille sequebantur incommoda. Omnibus ut pote tantis à Nobis disiunctis spatijs; instans; absentibus; praesens longinquis; vicinum, Electorali Campo obstabat periculum: quod lenta remedia, segnes medicos excludabat.

Tu praesenti necessitati, Tua consulere videbaris praesentia. Princeps Augustissime, à Te iam Respublica, ea fortitudinis, prudentiae, felicitatisque Tuae; ea amoris erga se acceperat experimenta; quae ab exteris primo expectanda, nec forte obtinenda erant.

Tempus erat, quo fatalis ille Trium Imperiorum; Centum Octuaginta Regnorum, per Asiam, Affricam & Europam Domitor, Poloniae Nostrae Triginta propè per annos, ingentibus conflictatae bellis, Orbi Christiano formidanda incubuit potentia. Et postquam tantos Terrarum tractus, cum Antemurali Nostro occupauerat: vltima iam iam periturae Genti, tot Nationibus stipatus, ipse in persona veniens Tyranus, ferebat excidia. Quem huic Monstro opponeremus Herculem? Cui nos, nostraque fidentius committeremus, fata? Cuius in humeros fatiscentem reclinaremus Orbem; Nonne Tu solus eras Alcidas fortissime?

Impar quondam decennes post luctas expugnandae Nymantiae Roma, non vicisset, nisi ad SCIPIONVM, FATALE EVERTENDIS VRBIBVS NOMEN respexisset: Imparem se Polonia Ter Denas post lassitudines, tantae vidit potentiae, nisi ad Te expugnandis Patriae Hostibus Ottomanis, Nate Princeps fuisset conuersa; illis scilicet, maioribus, eo AVO, eo PARENTE progenite, quorum primus, belli Supremus Dux ZOLKIEVIVS, fuso toties ad stuporem Orbis Ottomanorum Sanguine, immortalē LAVREAM; alter, primus in saeculari Senatu Purpuratus, gloriosè cum iisdem confectae pacis OLEAM referens Tibi cum Sanguine tot Illustria bellandi & paci-

scendi



scendi Orientali cum Potentia reliquerē immitamē-  
ta, an incitamenta.

Ad te respexit vniuersa Patria; qui auitis exemplis vt  
calcaribus ad gloriam vsus; tum adhuc, dum Tibi bel-  
lare cum hoc Hoste non licuit, eum primo lustrare vo-  
luisti. Constantinopolim VENISTI, VIDISTI Gentem  
Hospes, quam VINCERES Imperator. Ad Te conuersa  
Patria, quem Cosatica, Moschouitica, Suetica, Bran-  
deburgica, Transylvanica bella; alia exercuere, alia Ge-  
nuinum Bellonæ Filium; alia ipsum experta Martem;  
alia denique prius minori post maiori insignitum Cla-  
ua, Herculem confessa; tandem Summum Exercitus  
Polonici, re & Nomine, **mōstrauere IMPERATOREM.**

Illud præsertim bellum, quod, Roxolana & Thaurica-  
na potentia, imparatæ Poloniæ periculosissimum emer-  
serat; Marte inuicto, arte Imperatoria ante nouennium,  
Te gerentem vidimus & mirati sumus. Numero, viribus  
longe Superior Hostis, sensit se à tergo, à lateribus impe-  
titum: obiectu Personæ Tuæ à fronte interceptum, eoulsq;  
angustiatum, vt sibi tum necessariæ, Nomini Polono glo-  
riosæ pacis, eas acceptaret ad PODHAYCE Conditiones;  
pro quibus TIBI, REX, SENATVS, POPVLVSq; POLONVS pu-  
blicas inq; seras ætates mansuras rependebat Gratias; vbi  
Senatus pro tum ORACVLO, ORE CRACOVIENSIS PRÆSV-  
LIS hoc Tibi dederat, elogium QVOD EOS, QVI TE  
TEMPORE ANTECESSERE, MILITAKI SV-  
PERAVERIS PRVDENTIA DVCES.

Quem alium in tanto periculorum æstu poterat,  
respexisse Respublica; nisi Te, qui post tot bellicæ  
gloriæ Tuæ experimenta, maiora semper & maiora da-  
re consueueras. Regnante Nobis MICHAELE Principe;  
cū euocata Nobilitas, nec dum medio ad Hostem  
itinere confecto, signa receptui daret; Rex vltra Leo-  
polim non progressus. Tu velut Sarmaticus Hercules  
Supremam gerens Clauam, Lernæas pullulantis rebel-  
lione Hydræ, ingressus palludes; suis in Munitionibus



hærentem; oppugnasti & toties expugnasti belluam:  
Braclauiam & vltra quadraginta recepisti loca; confe-  
cissesque immane monstrum, & Turcici causas op-  
pressisses belli; nisi fuissent qui tantum suæ crederent,  
decedere æstimationi, quantum Tuæ accederet: ideoq;  
iam partim domitum, partim mitigatum, virtute, Dex-  
teritate, Tua, rebellium Caput, collatis alteri insignijs,  
ad desperationem, ad Turcicam compulere deditio-  
nem. Secundo post hæc anno, eo planè tempore, quo  
vifatorum commata Patria, ab extra damnosas auul-  
siones; ab intra fatales patiebatur conuulsiones; Hosti-  
bus amica, sibi ipsi hostis facta: Tu incredibili vsus Ce-  
leritate, dimissis impedimentis; inuia & deuia superas;  
flumina altosque vndarū gurgites sinè ponte, sinè cim-  
ba, ipse ante signa felicissimè enatas: diuersis in locis,  
vnius Mensis spatio, quaternis barbaros afficis cladibus;  
terroreque Nominis Tui, in turpem, neque hoc sæcu-  
lo visam, die noctuque, deficiente Sole ad faces, conti-  
nuatam fugam, conicis tantum Orientis Imperatorem;  
Hostium Duces per latebras & saltus siluestres errare,  
cogis; alios seminudos in Conspectum Tyranni, victo-  
riarum Tuarum Nuntios emittis; Patriæ Tuæ iustis  
vindicijs, longè lateq; stratis Hostium Cadaueribus pa-  
rentas gloriosus; Abactos Christiani populi Greges, de  
ore Leonis liberas; tot euincolato Nobiles, libertati re-  
stituis; Parentes filijs, Filios Filiasque Parentibus, sub-  
ditos suis redditis possessoribus; adeo vt pars illa afflictæ  
Poloniæ, Tuis tum victa beneficijs; positis quæ alieno  
forte instinctu alebat simultatibus, Te STATORIS IOVIS  
munia implentem, Te vitam & libertatem Ciuium  
Tuorum asserentem; Clypeum Populo Polono contra  
fatales ictus, proprio de pectore facientem, acclamaue-  
rit. Tanti beneficij non immemor Patria imò & inui-  
di lucidius nacti interuallum, illa virtuti Tuæ dederant  
testimonia; quæ legum volumini inserta, tam diu du-  
rabunt, quamdiu Nomen Polonū & literas noscet Orbis.

Quid



Quid de Chocimēsi dicam victoria, qua nihil illustrius viderat Orbis, nil terribilius formidauerat Barbarus; nil optabilius inter tot ærumnas acceperat Polonia, quàm dum Te non solum hostium, sed & Elementorum contra pugnantium; fami, penurix montibus inperuijs, associatorum: spectauerat domitorem. an tamen hæc maior in Martiali, quam Electorali fuerat Campo? ibi hostium munitiones: hic Ciuum visus es expugnare animos: Ibi triginta prope millia veterani, non Asiatica de turba, sed Europeo de milite lecti Exercitus, Tuæ cessere fortitudini: Ibi non vallo-  
rum munimenta, non fluminis obiectus, non robora virorum, Tuum sustinere Martem. Hic Electorali in acie, incruenta violentia, æstimatione Nominis Tui, tam gloriosa liberæ Electionis, de liberis populis retulisti Trophæa? Hæc est illa dies, quæ post fata MICHAELIS Regis prima; Lunarem Throni Sarmatici Ecclipsim, Solis gloriæ Tuæ pensauit exortu. Hæc est illa Dextera Domini, cuius Tu veneratus es virtutem, nos digitum sensimus, qui Te Electori monstrauit populo. Hæc victoria; quæ vni ex primis legum Patriæ Custodibus fatidicam ad Te expressit literam, quâ se Tibi Mutianum declarauit fore: si tu Vespasianus esse velles.

Atq; hæc erant fortitudinis Tuæ bellicæ documenta, quæ Orbis in Te æstimabat Christianus, metuebat hostis; venerabatur Ciuis; alacris ad prælia sequebatur miles; qui non nisi Lauros & Trophæa inde se relaturum sperabat, Nomen vbi Tuum refulserat. Quid ab extra simile sperare potuimus, nisi quod sibi ignotum Populum, Nobis ignoti ambirent Principes. Quibus prima cum moribus, institutis nostris, quam cum Hostibus lucta. Noscendis Nobis illud impendissent tempus, quod iuuandis debebatur. Plura de nobis integro iam triennio incubus, sciuisset Hostis, quam nouiter Electus Princeps. Tibi è contra Status, Forma, Leges, Ciues, bona malaq; Patriæ nota; Signa, Milites,



Virtus, Nomina & Cognomina notissima; nec Hostes eorumque Vires & potentia, signa itidem nec Duces ignoti: vtraque & Tu illos, & ipsi Te probarunt. Magnum Tui inter Turcas Nomen; Magna inter Tartarorum Principes æstimatio; cum quibus & hostilia, & socialia toties contulisti arma; non ignota belligerendi ratio, in quâ non ab aliena informatione, bellica formares consilia sed à propria experientia Tibi & Patriæ consulturus. Tibi denique Rebellium Cosacorum antesignanus, vitæ quondam suæ Conseruatori benefico, tantum fiduciæ monstrare videbatur; vt non per alium, nisi per Te Regi & Reipublicæ suas solebat deferre querimonias. Quæ omnia in simul sumpta, quanta publico bono polliciebantur commoda!

Cui fidentius se suaque committeret Respublica, quam Tibi, cui innati in se affectus tot experimenta. Cui felicitis regiminis in amplissimis facultatibus firma euictio: in succrescente in spem publicam prole, tot beneuolentiæ obsides, amorisque in publicum pignora. Cui non alia præter hanc communem nobiscum Patria; non successiones ab extra, non spes alia, nisi ex quæ huius Patriæ continentur sinu. Vna Tibi & nobis salus, eodem in Solo sub eodem Sole & folio nobiscum nate; eodem habitu, lingua, more educate Princeps; hæc Tibi nobiscum communia; at quanta sunt quæ supra nos, solus possides, quibus exoticis videbaris præstare Candidatis?

In ea natus eras Domo; quæ nunquam Hereticæ prauitatis fuerat labefactata aflatu. Orthodoxam à Maioribus intaminatè in Te conseruasti Religionem; quæ Parentem Tuum & Te ipsum tot benedictionibus cæli, in oculis nostris indies cumulabat. Eo progenitus eras sanguine, qui per Senatum, Ordinemque Equestrem longè & latè adeo diffusus; vt tota ferme Polonia in Tua videbatur eminere dignitate: eo promptius Tibi, si eligereris, obtemperatura; quod ipsa sibi Imperatura, erat; quia in Te, velut in Compendio se comprehensam cernebat.

Soli-



Solicitabat pro Te Populi Electoris pectora, Pietas illa Tua, quæ in Deum vitæ, omnisque boni **Datorem munificum, Conseruatorem beneficum** ferebaris. Tantusque propagandi Cultus Diuini inter familiares, subditosque Tuos, Tibi inerat zelus; ut linguas blasphemias; in Sacra, Sarcasmata iacentes; ut notorias impietates, à latere à conuersatione à Tuo excluderes conuictu. Tuus non erat intimus, quem coniunctum Deo non videras. Eiusdem pietatis documentum erat, memoranda illa Jurium Spiritualium veneratio, ut malueris Te ipsum potius distribuendorum Hibernorum exuere authoritate, quam ea Antecessorū Tuorum sequi exempla; quæ frigescentem in illis cum gelidis rigoribus toties monstrabant pietatem, quoties Sortem Domini iniquè inter equos diuisam, ad bestias ungulis earundem conterendam, quot annis damnare consueuerat: Eiusdem pietatis radius in turbido, Electionis Regis MICHAELIS, Campo comparuit; dum contra Sacrorum Præsides tantam impietas temulenta, excitauit tempestatem; quantam necdum Orbis Polonus viderat. Excanduerat tum illa Sclopetarijs grandinibus: ultraque progressa, Sacrarium illud libertatis innocuo funestasset sanguine; nisi manus Tua, Sacrorum defensionis promptissima; Capulo Ensis Tui applicata, commotos sedasset turbines! Quæ pietas quam grata fuerit cælo vel inde pateat; quod continuæ posthac & dexteram & ferrum Tuum Coronauerint Laureæ; eaque Tibi iam tum ominabantur vota nostra præmia; quibus nota Austriacorum Principum, in Sacerdotes pietas, tot sæculis coronatur. Missa facio tot Christianæ charitatis opera, vnicum adhuc Orbi pateat; quod dum victrici Militum Tuorum Ensi, imbelles Hostilium infantum turmas subduceres conseruandas: Non sufficebat eis vitam dedisse, nisi & alimenta tanta tribuisses sollicitudine; ut Cognatum Tibi Sanguinem, illorum præficeres



cūræ. Deniq; non soli Electori populo, sed Vrbi & Orbi eo clarius Tua innotuit pietas, quo liberius Tuarum literarum, post Victoriæ Chocimensem scriptarum, profitebaris tenore; **DEXTERÆ DEI VIRTUTEM**; Dominoq; Exercituum illius Diei, Magnalia, non Tuæ adscribebas fortitudini. Ideoq; vexillum illud, Lunis Ottomanicis clarum, Machometana Superstitione factum, Imperij Turcici decus; quod inter prima recensuisti Trophæa; Christi Vicario; Clementis Decimi, Plantis, Pientissimorum Principum more, Homagiale Summo armorum Imperatori testaturus venerationem, submisisti.

Trahebat, imò rapiebat vi Magnetica omnium affectus, illa animi Tui moderatio; qua ipsos quondam supergressus Camillos, hæroica hac virtute Te maximum Sæculisq; memorandum Reipublicæ probasti Ciuem. Tot tantisq; Principibus aduersa, Tuis nec dum fauens meritis, fors Electionis; ceciderat super Michaelem. Erant, qui eo illico momento, Te tantorum Nominum, Tuæq; Dignitatis suscitabant vindicem; erant qui factorum vim dextera Tua suadebant vincendam: cedes & funera potius spargenda, quam illa rerum tolleranda facies? At mens Tua cælo propior. quam clarioribus superi destinarant ante sceptræ victorijs, hisce superior Nubibus; placido tranquilloq; vultu, illam spectabat. vicissitudinem! Vincas cælo dedisti manus; Patriæ Tuæ condescendisti Libertati; pro munere Tuo denuntiasti, Electum talem, qualem merita nostra desuper accepere.

Coronationi eius non minus præsentia, quam fide & officio adstitisti; Facile alienam tolerasti fortunam; qui propria eras contentus virtute; dumq; alter alijs, Tu ipse Rex Tibi eras. Tanto augustior, quanto facilius est populis quam sibi Imperare.

Nec hic eorum finis quæ plusquam septuplo probatam animi Tui Moderationem exhibebant. Aderat illud tempus, quo & Legum Patriæ integritati, velut

Primus

Prim  
prem  
bas li  
saluti  
sump  
te, T  
Et

rum  
Nob  
bus i  
eaco  
licet  
subla  
dere  
peras  
ratio  
hosti  
tione  
inun  
perp  
ctori  
suon  
Plur  
dam  
nera  
mâ

pot  
tria  
Vbi  
tim  
dis  
diffe  
vinc  
aut  
Hoc



Primus Regni Minister, & securitati eiusdem velut Supremus bellorum Dux providere tenebaris. Monstrabas liberè, quantum Princeps Legibus Patriæ, quantum saluti tot populorum, quorum tutelam cum Regno sumpserat, tum debebat, cum tanta belli moles ab oriente, Terris imminebat Polonis.

Et hæc, non alia, erant, conquisitorum in Teodiorum motiua! hæc ratio cur euocata contra Barbaros Nobilitas; hosti ferias, Tibi immerita Tuisq; Conciui- bus indixit certamina! Primus detestandi belli furor, ea corripuit, pro quibus Tuus steterat zelus: Leges scilicet & instituta Patriæ, tot sæculorum opera, vno velut sublata ictu, Rempublicam ab intra Ciuili licentia cadere; ab extra hostili manu, ruere; vno eodemq; accerperas tempore! Quid adhæc animi Tui inuicta moderatio? contrarias furori opposuisti artes; ille parcebat, hosti, vt in propria sæuaret viscera; Tu iustam indignationem Tuam, in hostes effundere maluisti; ne Ciues inundaret; Tuum credebas esse, tum fortiter agere, cum perperam de Te loquerentur; Factis refutare verba; victorijs, conuicia vincere: effrontiq; calumniæ, quæ suo non valuit, hostili verecundiam incutere sanguine. Pluribus tum afflictus prælijs hostis, tot ad propallandam innocentiam Tuam aperuit ora; quot accepit vulnera. Turcarum Imperator victoriarum Tuarum famâ Patrijs eiectus limitibus. Ipsa confessus fuga, non potuisse se diutius in ea hostem agere Patria in qua Tu optimum gerebas Ciuem. Vbi vero victricia Domum conuertisti signa: tot ora timore expalluerunt, quot conuicijs contra Te iacendis incanduerant. Quot funera tum, quot mala vidisset Patria, si animi Tui moderatio, Syllis Marijsque vindictam relinquere, non censuisset! si memoria Tua, aut iniuriarum tenax fuisset; aut talionem expetisset! Hoc contentus eras, quod tot Juramentis, Sacramen-

D. . . . . men.



mentum conseruandæ Patriæ, manutēnendorum legum & Statutorum opposueris. Cæterum nemini exporrectum vultum; humanissimam manum subtrahere voluisti; monstrasti Celsitudinem animi Tui inter tot tela illæsam permansisse; nec Tibi odiorum cum Ciuibus esse certamen. Illa solum grata victoria; quæ non vulnera, non cicatrices, post prælia linquit: plus dicam, multos vidimus Vatinianis odijs, Giganteo ausu contra Te insurrexisse; tamen non fulmina, sed beneficia retulisse! Hanc verè Regiam in Te venerabundis virtutem, Thronoq; Polono dignam iudicantibus, Electoribus Nostreis; ecce alia adest.

IUSTITIA. Cuius si Ortum quæremus? de cælo in Terram aspexit; si Munus? Regiarum Sedium Assistricem; si opera? Regnorum & Imperiorum Fundatricem comperiemus. Hanc Tu Domus Tuæ indigetem colere Dæam assueuisti, Princeps Iustissime. Hæc inter Te & Deum; inter Te & Patriam; inter Te & Amicos: primum occupabat locum. Constantemq; Tibi, & perpetuam, inspirabat voluntatem, ius suum cuiq; tribuendi. Eius lance Librabas, quid cuiq; horum deberes; Hinc est, ut ij quibus Tecum res erat; non per Tribunalia; non per forenses strepitus; non per Palatia & Consistoria, quærebant Iustitiam; quam Tuæ Domus nouerant Inquilinam. Hæc in conscientia Tua, aperto Areopago, sine vlllo in Te ipsum fauore, Te Tuosq; iudicabat. Adeo ut in ea fortuna; in tanta Municipiorum Tuorum amplitudine; mirum erat, raroq; alibi visum; quod Te non vicini molestum inuasorem; non contrahentes, iniquum expulsores; non subditi grauem Dominum; non Domestici incommodum sensere harum; Adeo intra limites recti; Te semper gradientem vidimus; ut nullos Tibi iudicia valuerint præfigere terminos; nullum Te reum vidit Tribunal. Non Citatio Tua subiit penetralia; non Legis pænalitas inter Tuos reperta pænates; non infamatorum aut Bannitorum classem, Tuo ad auxisti nomine.

Iam

Iam  
uertit  
terna  
gatus  
galia,  
tris T  
Stater  
quàm  
clama  
In  
fragar  
tantu  
tum d  
quam  
adeò  
veris  
per El  
Trans  
acces  
Respu  
mine  
Dom  
pericu  
Candi  
Polon  
citatē  
tum.  
& Pri  
no flu  
cessio  
pum,  
tum ij  
quam  
ficio,  
eorum  
Ne



Iam verò si ad Suprema Tua in Aula & Castris conuertimur Iudicia; nemo est, qui ea expeteret esse subalterna: Iudex eras Populi Poloni; siue rogatus, siue sagatus consisteret; Nomen Tibi deerat Regis; cum Regalia, quia Suprema; exerceret Iudicia: adstitit à dextris Tuis REGINA VIRTUTVM IUSTITIA, Teq; pridem in Statera Iudicij Sui libratum; tamdiu minus habere, quàm merebaris inuenit; denec Polonia; Te suum acclamaret Regem.

In eum modum dum Tuorum Tibi meritorum suffragantur decora; Contentiosi Externorum concursus; tantum promotioni Tuæ superaddunt momenti; quantum detrahunt suæ. Præter intentionem Tibi magis, quam sibi proficui. Magnifica quæ iactabant promissa, adeò mutuis refutationibus extenuarunt; vt quæ pro veris habebant, Problemata iam erant. Terrebat insuper Electorem Populum anteaكتورum recordatio; dum Transmaria quæsitis cum Principibus; & promissæ non accessere, & antea acquisitæ decessere Prouinciæ; dum Respublica Regum Suorum Iura, tamdiu proprio discrimine tutari cogeretur; quamdiu Regnatricis supererat Domus. Similia cum Externis nobis inferri videbantur pericula: dum alibi contracta, apud nos deponenda, Candidatos Regni sequebantur odia. Pertæsa malorum Polonia, eorum Principum fortunæ metuebat complicatē; qui à tot annis eius auersum eius sentiebant vultum. In alijs nimium potentem Europeaq; per Regna & Principatus diffusam Familiam; in qua velut in Oceano flumina, libertas Electionis nostræ; continuandis Successionibus peritura credebatur. Tot tantorum Principum, commendationes, Officia, iustum inferebant metum ijs populis; qui suspectant in Maiestate, Potentiam; quam non suam esse cognoscunt; Ne fortè quorum officio, studio & Consilio solum se conscendisse fatetur, eorundem ope se in eo conseruaturam præsumat.

Neque illud potens erat illicium, quod promissos ia-



Stabat milliones; Magnum exhaustis rebus nostris Subsidium! At quam incerta ea fuerint, vel ex eo patere poterat; quod aut nulli, aut ij monstrabantur fideiussores, qui de nullo minus, quam de ea cogitare confessi sunt obligatione. Probabilius erat, internecina in Christianitate bella, illud nummis fecisse pretium, quod antea, vitæ & sanguinis erat. Credibilius nullam ab ijs numerandam pecuniam, quibus Elector Populus quod daret vendibile; non habebat. Tandem rerum Magistra, docuit experientia; teste historia, nihil vnquam ab ijs post Electionem numerasse, Rempublicam; à quibus ingentia promissa, ante Electionem recensebat. Hic stylus erat loquendi, nomine Candidatorum, perorantium Oratorum: non modus agendi Regnantium. Respublica interim sumptuosis se Legationibus ad conducendos ab extra Principes toties extenuare visa; illis grauebatur impendijs; quæ à Finibus Regni in conducendo faciebat Rege. Quid de priuatorum Ciuium dicam, sumptibus? dum vnusquisq; INCOGNITO PRINCIPI, magnifica ad oculum specie, primam de se impressionem dare laborabat. Millionibus hæc omnia certius expendendis, quàm ab extra inferendis, constabant.

Sed minora hæc erant, longè maiora in ipsa eligendi Principis Externi electione occurrebant libertatis discrimina; Fatales Regnis diuisiones, Ciuilis sanguinis diluua; nullis legibus nec precibus in eum modum vincenda ambitio; vt alter alteri cedere vellet; Omnia Iudice ferro decidenda, spectabantur. Et quamuis ad duos tantum redacta erat Candidatos Respublica; ij tamen sibi adeo ex directo erant oppositi; vt & Poloniam & Polares Orbis Christiani potentias inter se diuiserint. Si hîc arctus, ibi antarctus erat; vndiq; se arctandam, iustè metuebat libertas. Neq; effugisset fatale illud Dylema, si in exclusionem Tuam Princeps Auguste, sub nomine Principis Indigenæ, ab Extraneis expetitam; sibi, defuncto nuper Regi, Tuisq; iniuriolam virtutibus, con-

confe  
exteri  
nis Po

Ig  
ad In  
quis  
didat  
Orat  
aliter  
rita re  
Repu  
prosp  
tame  
titud  
Etis a  
belli  
Elect  
ret.

conu  
ia, el  
publ  
ctori  
vide

N  
de Pr  
cipie  
gna  
Patri  
Grat  
radij  
diuo  
Resp  
fauia  
plis  
fata,  
noru  
nilq



consensisset. Si nobis Incola Princeps tam inuisus, quam  
exteris tum metuendas erat. Si potuissent eam Sanguinis  
Poloni, natiuæ virtutis, efficere apud nos nauseam.

Igitur prope auersis ab Externo Candidato animis;  
ad Indigenam Principem tacitè iam iam inclinantibus;  
quis aliud nisi Tua occurreret virtus? Tu ipsorum Can-  
didatorum Rex, ante Electionem eras iudico? dum per  
Oratores Suos, Tibi nobisque passim profiterentur, non  
aliter se concurrere velle, nisi tum, si modestia Tua eme-  
rita recusaret acceptare Sceptra. Te Ciues maximum in  
Republica Ciuem; Te milites Summum Imperatorem  
prospectabant; Te etsi inæquali Republica natum, eo  
tamen per gradus honorum & Meritorum ascendisse al-  
titudinis vidimus vniuersi; vt dum Tibi Respublica le-  
ctis ad latus Tuum ex Ordinibus Regni Commissarijs,  
belli pacisq; dederat arbitrium; nomen Solum Regium  
Electioni reseruare visa; cum Tibi rem munusq; tribue-  
ret. Ita Tu solus sine contradictione, sine motu, sine  
conuulsione Status, sine Externorum Principum offen-  
sa, eligi videbaris, qui omnium Consensu salutem Rei-  
publicæ, manibus Tuis concreditam, tam gloriosis vi-  
ctorijs extulisti; tam fortiter conseruasti; vt nefas esse  
videbatur, hoc à Te repetere DEPOSITVM.

Nec dum tamen hæc in aperto erant; quæ de Te, quæ  
de Principibus Externis, Mente & animo Elector con-  
cipiebat populus; Magna Tibi, etsi non obligato, Ma-  
gna Genti Nostræ erat viduatæ Principis cura; postque  
Patriæ salutem prima; eius nimirum Regina, quam tot  
Gratijs decoratam; tot Augustalis Domus Coronatam  
radijs; tam Throno Sarmatico associatam; quàm fatali  
diuortio dissociatam; suam velut pupillam respiciebat  
Respublica. Ideoq; eius in gratiam Coronationis Var-  
saviæ peragendæ, legem dispensauit: & opimos in am-  
plis possessionibus assignauit prouentus: Post Regia vero  
fata, plusquam ducentis quinquaginta millibus flore-  
norum, mensæ Regiæ demptis, ad interim prouidit;  
nilque intentatum reliquit, quo suum eidem Principi



Episc.  
Grac.  
& V.  
is Can.  
cellar.  
Regni.

testaretur affectum. Agebas tum eadem cum Principe prout Solita animi Tui dictabat moderatio; & tanti sanguinis exigebat cultus. Vnde quamuis iam non per suffraganeos, sed palam ad Aures Tuas delapsas Amicorum audires voces; qui Te Regem, expetebant. quamuis non ignorares publicas rationes; praevideresq; supra memoratas in Combinatione Externorum difficultates; attamen ne quid ex persona Tua deesset; ne Tuam Orbis desideraret æquanimittatem: in Neoburgicū Principem, Tuā, Amicorumque, transferre vota constituisti: Laureatum Caput, merita & victorias Tuas, eidem submittere; in Te, humerosque Tuos ea, assumere onera; quibus portandis necdum matura par esse poterat ætas. Hæc omnia, non alio fine; nisi ut viduatæ Principis, eandem Tibi esse curam, quæ Patriæ erat; ne dicam maiorem ostenderes; dum etiam de rationibus Status, eius respectu demittere videreris. Tam Augustum Consilium Tuum, Primoribus Regni cunctisque Proceribus probatissimum; Reginali per Prima Regni nomina expositū Maiestati; euidentiq; monstratum argumento; velle Rempublicam non minus Regem Throno; quam Regali Thoro Consortem, eligere; & Patriæ & Reginae æqualem habere rationem. At res Tuas, potius nostras, ad potiora ducentibus Superis; factum est; ut postquam oblata non acceptari media, Rempublicam Externorum ambitu ad extrema impelli allidendam, Electori constituerit populo; eo velut iam solutus officio; inclinare illico cæperat; ut TV TERTIVS INTER DVOS vertentem dirimeres litem; Regijque muneris gloria, probatam pensares modestiam.

Hic fere omnium sensus erat; dum illa iam aderat dies; quæ liberos ad Suffragia vocabat populos; Illa imminabat hora, quæ fatorum arcana explicatura, & Numinis in rem Polonam monstratura erat voluntatem. Optabas Tu adhuc moras, non Tibi sed reflexioni illorum necessarias; quibus consultum iri cupiebas.

Verum

Veru  
tenu  
Ia  
libus  
luti  
plici  
dibu  
Cui  
tūs, S  
sus. v  
An  
Russi  
eras  
eaque  
Palati  
stella  
pulo  
prim  
cendo  
& pec  
lucen  
aures  
Triu  
hebar  
tis Tu  
tot m  
mitat  
No  
Iure p  
line fu  
perato  
ferre  
Suffra  
nebat  
esse no  
ritis &  
nis In



Verum ipsi sua præcipitantes fata, Decretorias iam iam tenuere horas.

Iam Sacrorum Principes; iam Palatini fasces, Currulibus dimissis; cum Equestri Ordine in genua prouoluti; cunctis adorandam potestatibus Maiestatem, supplici inuocabant prece. **Inspiraret Humanis cordibus quem Deum Terræ Polonæ dare velit,** Cui suas committeret vices. Mox velut accepto cælitus, Spiramine Elector Populus, per CIRCULOS digressus, votorum Suorum quærebat centrum.

Annulum, felicitatis publicæ Sponsorem, Palatinatus Russiæ primus tum inuenerat; Cuius Adamas, Tu eras Princeps Auguste, adeo Adamatus; ob continua eaque publica in illas Terras beneficia; vt Proceres illi, Palatini Sui vocem, quæ Te Regem nominauit; Castellani rationes, quibus in Electione Tua salutem populorum sitam ~~dedemonstrauit~~, vnanimes secuti; te primi suum dixere Regem. Generosam in reliquis accendentes æmulationem; ita qui ante horam in animis & pectoribus Ciuium portabaris; iam felici partu, te in lucem prodeuntem, Spectator vidit Orbis. Ibas per aures hominum, CIRCULIS illis Palatinatum, velut Triumphalium Curruum rotis ad Augustam prouehbaris fortunam. SILVIT à FACIE TVA TERRA Dignitatis Tuæ victa argumentis; vbi Te in Campo Electorali, tot meritis decoratum; tot commodis in publicum comitatum; perpetuâ felicitate stipatum conspexerat.

Nemo præsumebat eos Tibi disputare affectus; quos Jure possederas. Nemo virtuti Tuæ obstrepere; quam sine fūco gerebas; nemo natiuam Purpuram cum Imperatorio Tuo, Sanguineque Hostili purpurato, conferre Paludamento; Nemo Tecum congregi ausus deq; Suffragiis certare; quem tot victorijs, tot Laureis cernebat insignitum. Tum patuit Regem Poloniæ alium esse non potuisse; nisi eum, qui te tantum Ciuem, meritis & gloria superasset; supra te esse debebat, qui Polonis Imperare volebat.



Ijs iam Electio Tuā procedebat Passibus; ut eādem die concludi potuerit, si aut Tu deficiente iam die, in obscuro sequi fortunam voluisses: aut Tuā ex mora metueres causā; aut angusto tempore stringere libertatem; aut aliam acceptare Electionem, præteream, quæ legibus conformis sine contradictione datū; non ereptū aut extortum, Principes Suos voluit portare Diadema.

Erant qui sero vespere, Secessionem non nullorum, Magni Ducatus Lituaniæ Procerum, Electorali è Campo, pro alio, quam Libertatis experimento, accipientes: & Concordiæ & vñioni minabantur. At postera errorē confutavit dies; ubi Aquila Polona ita suum temperauerat volatum; ne MAGNI DUCATVS Sessorem, deferere videretur. Comparuit secunda Luce, tanto Illustrior, quanto in Te, SPE ET EXPECTATIONE, INVIDORVM, pronior: Is etenim tuus non esse non poterat; qui Tuis sub auspicijs, Chocimensis particeps & victoriæ & Gloriæ factus; qui Ore Supremi Exercitus Lituani Ducis, Tibi absenti in facie Reipublicæ ea dederat Elogia: quibus Tibi Chocimensē victoriam Orbem Christianū debere confessus; & Te antiquis bellatoribus parem; Sui Sæculi maiore demonstravit. Igitur quomodo in Tua merita obliquus ille Ducatus esse poterat; qui nuper in Conuocatione Procerum tantus eorum exstitit Encomiastes? Quod ipsum Vilnensis Præsul, tã prolixè nomine Gentis Sux Pathetico sermone exponens; factis verba conclusit; Tibiq; corda, suffragia Gentis suæ patere diserte nec hæsitante protulit.

Tu interim Princeps moderatissime, ita Electoris populi videbaris acceptare affectus; ut eos tanto libentius in alium transferri, si quis Te potior reperiretur, boni publici causa permittere videreris; quanto liberalius Tuis tum deferrebantur meritis. Non animo anxius, & impatiens, triduanam illam ferebas moram; ea mentis Tuæ in vultu enitebat modestia in admittendo Imperio; quæ in ambiendo erat. Gratiorem libertas Gentis Nostræ Electorali in Theatro à Seculo non viderat Scenam; dum non inter armorum strepitus, non in TVR-

BINE,



BINE, NON IN IGNE DOMINVM; sed tranquilla, pacata Electione; Te assumebat Principem. Cernebatur tanta sine confusione multitudo; liberi sine varietate sensus omnium in Te, concordia; non mora tanti temporis corrupta, non expeditis per occulta, vitiata artibus.

O quam gratum tanti actus Epilogum, Cygnea, Magni Pro-Primatis Trzebicij, voce, acceperimus! Ter ille, factis ad Electorem populum interrogationibus, postquam concordēs Ordinum, Gentium, Sarmaticarum in Te viderat animos. Tandem quod FELIX FAVSTVM FORTVNATVMq; POPVLO POLONO erat. TE IOANNEM TERTIVM, DEI GRATIA Sarmaticarum Gentium NOMINAVIT PRINCIPEM. Præsulis ab ore acceptum Nomen Tuum, gratiæ Cælestis Omen; feliciq; proclamâ Lubomirsciani fluminis impetu, Ciuium in aures illapsum: Polubiniæ Aquilæ munere, sublimes in auras delatum: fulminis ad instar, ad hostium vsque penetrauit notitiam.

Hæc erat illa dies QVAM FECIT DOMINVS DOMINANTIVM, Populo Polono Salutarem: Legibus & institutis Patriæ consonam; libertatibus auitis à seculis exoptandam; quæ & Externorum temperauit affectus, & FRATRVM COMPOSUIT MINAS. Prima hostia laudis BONORVM PRINCIPVM LARGITORI, REGI REGVM ab Electo Principe Electoreque debebatur Populo. Hoc, Homagialis in Deum subiectionis Tux persoluturus debitum: Prima Electoris Populi cinctus Corona, inter tot Illustres viros, inter Externorum Principum Legatos emnens; inter festiuos ignes, tormentorum explosiones, applaudentium voces, Basilicam sub Titulo Diui Ioannis, Numini Sacram; ingressus: coram Sacris Altaribus in genua prouolutus: corde & animo Ambrosianum audiens Hymnum; Regni Tui Primitias, à Diuino incipiebas cultu: eiusque Supremæ Potestatis veneratione, cuius in Terris nunc vices geris.

Iam per totam Rex eras Poloniam; iam Principum Oratores, Principalium suorum Nomine, virtuti Tux in præmium celsisse Regnum, Tibi gratulari visi;



iam fama promptique calamum uniuerso Regnum Tuum  
denuntiabant Orbi: Tu ad huc dubius ancepsque eras;  
quid Patriæ Tibique magis expedire censeret. Ciue Te, illa  
Mater; an Patre felicior filia, futura; altiori scrutaberis  
indagine? librabas in bilance iudicii viriumque Tua-  
rum, GRAVE ILLUD VBIQUE; CUNCTA REGENDI ONUS!  
at libera in Gente, hostibus in medijs, interque peri-  
cula, fatisciente tot ab annis Imperio: longe grauissi-  
mum. Ne de numero eorum esses, qui ubi tollere au-  
dent: quod non explorarunt pondus: aut fastiditum de-  
ponunt onus; aut eodem ad tumulum usque depressi  
succumbunt. Intra triduum Elector populus, sua & cæ-  
pit, & expediuit vota: ut Te Regem eligeret. Dupli-  
plicasti deliberatione Tua Dies; quam ut ex voto Po-  
pulorum expedires; QVANTVM CERTAMEN ERAT CVM  
TVA MODESTIA, QVAM TARDE VICIMVS! quod ipsum  
iam pro argumento erat, Te nobis non Tibi Regem  
fore; qui si non cogitasses; quomodo Te nobis dares;  
quomodo Te Tibi tolleres? promptus utique cum alijs  
ad acceptandum Regnum tum fuisses; si Populum pro  
Te, non Te pro Populo, cælitus datum & concessum  
fuisses arbitratus.

Tandem illud, Tibi præstandum supererat Iuramentum,  
quo, Deo, Cæloque teste, libertatem Gentis, instituta Pa-  
triæ, Priuilegia & indemnitates Personis, Officijs, Magi-  
stratibus seruientes; Principes se conseruaturos Electori  
spondent Populo. Secutus es hoc in passu, Princeps Au-  
gustissime, longa Antecessorum Tuorum exempla: Iu-  
rasti deliberata, constantique mente, ante Altaria eius Nu-  
minis, cuius super Te inuocabas nomen: dabas Electori  
Populo quæ petebat; accipiebas ab eo quæ merebaris.  
ELECTIONIS TVÆ DIPLOMA; ubi meritorum Tuorum series,  
ad compendium redactas; legit prælens ætas, legetque po-  
steritas. Electorisque Populi immitandam seculis, propo-  
net Prudentiam. Cui post prouidentiam Diuinam, non  
CASVI NON FATO, NON FORTVNÆ, Principis ex meritis, ex  
salute Reipublicæ; ex temporum necessitate assumpti,  
IOANNIS Tertij debetur Electio. CO-



# CORONA

E X

## IUSTITIA.

**I**llæ quas breues & infaufti Fortunæ fauores facili ex iugo lectas; sine lucta & certamine largiuntur, Coronæ: non aliud Dignitatis possident; nisi quod antiquis Regnorum Gazis à tot seculis asseruata; æquè ignauos vt hæroicos, quondam presserint vertices. Hos Circulos, volubili insistens globo, suæ assueta rotæ, SINISTRA; continuò versat, vertitque: Et velut inconstantis fidei Sponsores, CONNUBA LEVITAS, NON DIVINITAS, vel dormientibus, vel otiantibus porrigit PROCIS.

Hæc sunt illa à pedibus ad Caput translata vincula; quæ dū Coronata, an compeditata FORTVNÆ monstrant mancipia: Non tam cingunt, quam stringunt. Populorum tempora. Ita Coronant, vt mox in VITTAS transeant; humanæque vicissitudinis litandas, redimunt, victimas. Earum etsi pretiosos videris lapides; durioris Sortis credito Indices: aut tot Sepulchrales numerato Tabulas; in quibus Adamantino stilo; Tragicas fatiscientis Imperij Cathastrophe; sculpsit fatalitas. Hinc aureus ille pallor, pavor est; mox in præceps ruituri decoris: ad quod si vis abesset Externa, innatum disponit prouocatq; pondus. Adeo vt quæ ex facili veniunt, ea NVNQVAM PLACIDAM SCEPTRA QUIETEM, CERTVMQ; SVITENVERE DIEM. adeo non diuturni illi Theatrales, & Comici Principes, qui vbi modico tempore ingratam Populis luserint, Fabulam; mox è Scena moniti cedere, coguntur; NON SVISQ; EXVVNTVR DECORIBVS.

Augustiores sunt illæ Coronæ, quas Augustis neçtit verticibus cælo delapsum NUMEN, IUSTITIA. Quarum Periphæria, publicam populorum ambit felicitatem.



Centrum verò, solida ex virtutē natam, attingit Immortalitatem: vnde quæ vulgo REGNI vocamus INSIGNIA, Symbola sunt; non decora: Originalium Coronarum, ænigmata; quæ Principe Metallo, Principales curas demonstrant; radiatā verò Coronæ formā, SOLIq; æ mulo colore indicant; ea Principes in Solio, quæ Deus in Sole, operari oportere.

Sic Regale Pomum, non gustui palatoque seruire: neque ludicræ vices obires pilæ; in manibus ad leria vocatis; sed eum repræsentare Orbem; qui Regis Athlantis ferendus incumbit humeris. Solium tot gradibus in sublime euectum; non fastuosum esse, EXEMPTIONIS à communi Sorte fastigium: sed illam speculam vbi Vigiles Regum curæ, pro auertendis à populorum Salute excubant periculis.

Inde est vt eadem Iustitia, Principes Coronandos rigido sub militum titulo; Sanctæ Ecclesiæ præsentet; & CORONATORIS ore eosdem præmonet; scirent se non ad thalamum quietis ascendere: sed ad locum LABORIS ANXIETATIS ET DISCRIMINIS plenum. ideoq; non AMBRA MYSCOq; odorifero; sed Athletarum Oleo ad noua inuictos vngi certamina. Quæ quanto maiora sunt, & non solum belli sudoribus; sed delicijs quoque; voluptatibus; imò pulcherrima Pacis Specie metuenda; tanto fortiores illas opus est, existere mentes; quæ debitam, formidolosis de hostibus ni referant victoriam; succumbunt; Regnorum Suorum Comitata, cumulata an tumulata casibus!

Prouidum itaq; Numen; non alia ad Coronandum acceptat Capita: quam ea quæ prius casside ad Coronam aptata viderat: negat manibus aureum illud Sceptri Regalis decus; nisi prius negotiosum in illis deprehenderit ferrum. Nec Thronum ascendere permittit; nisi ex Equo descendentibus. Nec augustū illud NOS Nomini præfigere; nisi antea Singularitatem Ego communi Patriæ bono & populis, Heroica litatam cognouerit EXTASI.

Iam



Iam Rex Electus Princeps Augustè eras; imò & Coronatus; ea scilicet Corona quæ prætiola vnione Ciuum erat conspicua. Jam & secundam ab Orbe Christiano accipiebas; dum is & Electoris populi probaret Electionem, & Tuam Tibi gratulabatur prouectionem. Legebas CLEMENTIS DECIMI PONTIFICIS MAXIMI propria manu scriptas Benedictiones; Audiueras Romanorum Imperatoris; Christianissimi Regis; Regis Regniq̃ Sueciæ; Magni in Septentrione Ducis; tum Electoris Brandenburgici Oratorum Ore; & literarum tenore, declaratas propensiones: quibus & ALBO REGVM, & animis Coronatorum inferebaris Principum. Imo nec Barbari, Hostesq̃ ipsi, hunc æstimationi Tuæ denegarunt Cultum: dum Tauricani Principes, certatim Te suis excolerent officijs: sua respectu Tui; Reipublicæ (quod & effectus probauit) promittentes studia. Hæc itaq̃; tanto Illustrior erat Corona; quanto etiam summis hæroibus rarior; **Magnum inter hostes mereri Nomen.**

Hiscæ iam in Electorali Campo redimitus eras Coronis; dum bifariam inter se diuisa diademata: Tuum, ambirent inuitarentq̃; Caput. Vnum temporalis; aliud Immortalis, decus Imperij. Primum compendiosam, commodam, Antecessoribus Tuis tritam; Varsauiâ Cracouiâ pandebat viam. Rerum Tuarum interesse monstrabat, vt quantotius illam Capiti Tuo sineres imponi Coronam; quæ & Plenitudinem Potestatis, & Regiæ Domus securitatem ferebat; & Nomen Tuum volumini legum; Cathalogo Regum inferere; numerosas parare Clientelas: Tandem illud curarum promittebat leuamen; quod declarato Supremo belli Duce, Tibi oriri videbatur. Summebat boni publici colores; Tribunalia, Iustitiæ, aperienda; neruum belli in Comitij decernendum: funestam faciem IUSTITIÆ tollendam suadebat; vim Legis habentem, Electionis Constitutionem, allegabat. Omnia Tibi facilius feliciusq̃ itura



asserēbat quidem; probare tamen difficulter poterat,  
PRÆSENTE RECLAMANTE NECESSITATE!

Secundum Diadema; etsi non ad solita; licet præteritis dissona; ad ea tamen quæ præsentibus temporibus salutifera, futuris gloriosa erant; Te ex Magnis, ad maiora Electe, in maximis Princeps Coronande Trophæis; auocabat.

Iam Danubium superauerat, ex partibus mundi coadunatis Gentibus, stipatus; pari debellando Orbi accinctus potentia; Tauricanis Equitatibus formidandus: nostra, Nominisquæ Nostri, spirans excidia Tyrannus. Cum accepta Electionis Tuæ fama; velut Herculeis Columnis, PLVS & VLTRA progredi prohibetur; & ingentibus interceptus curis; dubius hæret: an LVNIS Suis fatalem; victricem Tuam Regalibusquæ auctam Auspicijs, laceggeret fortunam? an tot partis, per secula Trophæis, tumentem PORTAM; periculoso cum Tua MAIESTATE conferret experimento; vtri vestrum MARS eiusquæ ALEA fauentior? Placuit Tuos per Legatum CRIMENSEM obseruare motus: Ferro ne accingendus, an auro cingendus esses? Thronum an Equum conscenderes, recentesque in Campis successus, intra mænia senescere permitteres? Se iam CAMPI ORNISquæ; POLONI DOMINVM fore; si Tu VRBEM peteres; & nisi obuiam ires; Te cedere crediturum; iam signa suis nudanda militibus, Ducibus & Ductoribus destituenda certò credebatur Castra, iam Te Ciuesquæ; Tuos sumptibus exhauriendos, imo si forte quis eorum, voto suo, exciderit, exasperandos promittebat; Si Tu Princeps Auguste, non de Castris, sed de Coronatione cogitare tum volueris. Quæ tantum hosti optanda erat, quantum Tibi metuenda Cui tantum iam Tua tum placebat coronatio, quantum paulo ante displicebat Electio.

At Tu SPIRITV PRINCIPALI, in eo fastigio Regiæ fortunæ, desuper confirmatus; citius quam cæteri, penetratis Barbarorum Consilijs: in plenissimo illo SENATVS

CON-



CONSILIO, auro Cedroque dignissima voce; declarasti. Impendente, tot fulminibus, grandinibus & Procellis grauida, Reipublicæ tempestate; non posse Te per Amorem & integritatem Patriæ; Coronæ, Tua exhibere, tempora; quæ instantia ad Cassidem citabant pericula, Tibi inglorium, Patriæ nostræ fatalem, etsi Coronatione notatum arbitrabaris IVLIVM; quem hosti, acies suas per viscera Regni explicanti, Augustus: Poloniæ vero intra mœnia claustræ, angustus sequebatur mensis; funesta Christianorum Caputum temerandus melle!

Igitur arma, virumq; canere Tibi, per Summam nec cuitabilem necessitatem visum: eam quam Ottomanica ASTRA, REGIBVS MONSTRANT, ingredi VIAM: ex Electorali ad Martialem, Hæroica Methaphorâ, transire Campum, Ea placuit Coronatio, quæ solaribus radijs de Die; Stellis de nocte; aperto sub calo, Tuum cingeret verticem; quem Pro Deo, Fide, & Patria, pro Christianitate vniuersa in aciem ferebas.

Hanc Consilij Tui declarationem; vbi per Tartaricū TYRANNVS accepit emissarium, post duorum Mensium in vno loco subsistentiam; post irreparibile rebus suis temporis damnum: immensam sumptuum iacturam: spe Coronationis Tuæ frustratus: Vbi Te Bellatorem Equum, Castra, & prælia, petentem intellexit; vbi Tartaros acceptas ante biennium Clades, Turcas ante Annum à Te illatas recensere strages; nomenque pauere Tuum, intellexit; missa METV REVENTIALI Polonia; alienam velut ulturus iniuriam inuadit Roxolaniam: Eo furorem suum effudit, quem Regno Tuo intulisset: si tu magis tum, de aurea quam de SERVANDORVM CIVIVM Corona sollicitus fuisses.

Ita nunquam felicius primus Coronationis Tuæ terminus, translabi visus: quam dum eum auertendo à Ceruicibus nostris ictui; impendebas. Tollerabiles diuturnioris IUSTITIÆ molestiæ factæ; quas sat superq; Populorum seruata salus, compensare videbatur.



Alio iam conuerso bello; non otiosus; etsi, Rebel-  
lium Christianorum tamen sanguinis, volebas esse, spe-  
ctator. Paras vindicias: Coadunas aureo chamo, Exer-  
citus, vtriusq; gentis; quibus proprio de arario, ante-  
quam contra hostem moueres, ultra integrum nume-  
ras millionem. Non contentus, VITAM & SANGVINEM  
in pericula, in fata nostra ferre, nisi publicæ tum egesta-  
ti, opes fortunaſq; offerres; tanto gloriosius, quanto mo-  
destius tum silebas, quæ præstare volebas; dum aliena  
HYPERBOLE, multos, plenis buccis, iactaret milliones.  
Coadunas inquam Exercitus; sed ea bellicæ PRVDEN-  
TIÆ TEMPERANTIA; quæ CELERES frænabat MOTVS; ne  
forte tantus hostis; se longè Superiorem viribus con-  
spicatus; infesta iterum in Patriam conuerteret signa.  
Itaque illo Magnanimum ardorem Tuum, & Genero-  
sum militum Sanguinem, cohibebas respectu vt hostem  
non nisi Vkrainæ incubum, aggredereris; vt pote eum;  
qui tot Fortalitijs Oppugnatis, debilior; tot Spatijs di-  
stractior factus; Tuo facilius pateret ictui. Maxime ve-  
ro si vicinus eidem periculo MONARCHA vltiores  
ab rumperet moras: ab alia parte inuasurus eum; quem  
Tu ab vna tam animosè petebas DIVINVM CONSILIVM  
Tuum proculdubio successisset; nisi deprehensis, Fera  
hæc, illis quas ARS & MARS Tuus ipsi tendebat Cassi-  
bus; Cladem suam, turpi denuo redemisset fuga; lon-  
gaque Periphrasi, per inuia & deuia vsus; omisis quos  
strauerat Pontibus; Danubium retrogrado cursu petiſ-  
set. Te magnanime Princeps, velut fortunæ Suæ Sco-  
pulum; fortitudinis Ottomanicæ discrimen: de longe  
cuitasset. Eamq; vltro Tibi concessisset victoriam; quæ  
tanto gloriosior est, quanto difficilius animo hostē quā  
viribus deicere. Ita ille cui Tu Coronationis prætextu  
Campo cedere nolueras, tandem & obuiam ieras: En  
iam amplissima Prouincia, Tuis relictæ Victorijs; id  
solum confusus cauebat Tyranus, ne Tecum congre-  
di cogeretur.

Sub-



Submotis proinde Campestribus prælijs & victorijs; eas quæris; quas clausus intra mænia opponebat Ma- uors. Barrium penè in conspectu erat: robore Turca- rum; Equitatu Tartarico, excursionibus continuandis destinato; arte & natura Fortalitium munitissimum. Hoc forti aggressus dextera, oppugnasti: intra aliquot expugnasti Dies: Hostem desperatis rebus, ad deditio- nem compulisti. Non audentibus, illis Crimeæ Princi- pibus, imperatam opem ferre; quibus formido Tui maior; Imperio Ottomanico inerat. Cessitum for- titudini Tuæ totius Clavis Vkrainæ; Magnum Came- neco Subsidium; hostilis Communicationis Linea.

Quæ omnia quanto gloriosius acta censebantur; tan- to ardentius, exacto iam autumno, inhorrescente Im- bribus, & Pruinis Cælo; ad Hiberna, miles anhelus sta- tiua: manumissionem petere à Te videbatur. ut scili- cet abacti à Patria belli; exacti hostis; expugnati eiu- modi Fortalitij; gloria contentus: Triumphali redimi- tus LAVREA; reductis Exercitibus, INAUGVRATIO- NIS Tuæ denuo assumeres Curas: saltem hac vice Tui ipsius MEMOR, hætenus Tui OBLITE Princeps.

At Tu ad eā quā se Tibi Patria præsentabat conuersus, SPECIEM; videbas eam continuatis decem per Menses, exhaustam statuis; peneque exanimem respirium à Te supplici petere VULTU: Cernebas expensos & expen- dendos eius millones, maiorem ab OPERARIJS, BELLI exigere OPERAM. Aduertebas, tot Tibi optimè geren- darum rerum, patere occasiones: Optimeque bellorum momenta, & hostilem libranti potentiam, apertè con- stabat; aut nullo; aut brumali tempore, eam oppu- gnandam esse hostilitatem; quæ ut rigidioris CLIMATIS impatiens iniuriæ; ita reuertente æstate, tot Centenis stipata milibus formidanda. Inuitare videbatur, Te ca- lamitatis Suæ vindicem hætenus Sarmatico Imperio refraga, & belli vnica causa, ROXOLANIA; quantoque magis crudelem Ottomanorum perpessa Tyrannidem

H

æstate;



æstatē; tanto facilius ad Paternam censebatur reditura  
Clementiam: Dummodo venires armatus; ab ea ut  
amatus recipiendus Princeps. Hæc ipsa occasio pro-  
mittebat non leui argumento; Magni in Septentrione  
MONARCHÆ expetitam armorum Coniunctionē;  
si victricia circumferens arma, in recuperanda Vkraina  
compareres; cuius nuper fragoribus, ceu vicinis peri-  
culis, excitata illa censebatur potentia. Sed & ipse Re-  
bellium Dux & Fax belli Dorossius; Turcarum & Tar-  
tarorum destitutus præsidio; facile in Tuam Potestatem  
reducendus videbatur; facile Turcas Vkrainæ possessio-  
ne cadere; Rebelles eorum Clientelam eiurare. Ita re-  
cuperata illa Prouincia; inita cum Magno Duce armorum  
Societate; præcluso Tartaricis excursionibus iti-  
nere; hostilis Moldauia, ipseque Danubius: & com-  
moda Exercitibus Tuis pandebat Statua; & eam Tibi  
monstrabat GLORIAM; quam liberata ab onere Hiber-  
norum Patria; reportaturus eras; & Ottomanicæ po-  
tentia, transitum Danubij per vndas, negaturus.

Hæc vero omnia, dum ex salute Populorum Tuo-  
rum; ex Christianitatis vniuersæ Bono esse intelligebas;  
an non fortia tibi erant argumenta; ut Coronationis  
Tuæ protraheres terminum; ut prius Reipublicæ tem-  
pora, felicitate publica; quam Tua, Diademate ador-  
nares Regio. Spinea illa Tibi Regnoque Tuo non au-  
rea fuisset Corona; si eius in gratiam, hostili possessioni  
relicta Vkraina: tot agendarum rerum dimisisses mo-  
menta! si miles denuo visceribus Patriæ infunderetur;  
in quibus integro fere anno comoratus; ægre se inde  
Tuis, idque iteratis Imperijs extrahi passus; absumtis ali-  
mentis, nil præter ipsa miseris mortalibus reliquit ele-  
menta. Quo facto, tot Piæ euertendæ foundationes: Eccle-  
siæ suis diminuendæ dotibus; Sacerdotes alimentis desti-  
tuendi videbantur. Coloni in eum modum exhausti,  
& exangues; ut plures Campestri in Polonia hominum  
vmbas monstrare potuerimus; quam in Elisij Poëtæ

Cam-



Campis. Erant qui miseria & egestate pressi: optabant mortem & non erat; His omnibus, & Reipublicæ saluti, ut Consuleres: Diuinū quia ab Assistrice Maiestatis Tuæ, Intelligentia inspiratum secutus consilium; duxisti milites Tuos, ubi bellorum incommoda soli sentirent hostes.

Nec miles Tuos, detrectabat, nutus; ubi ea subire suum Regem conspexisset; quæ sibi imperabantur; monstrabas ipsi continuandi eo tempore belli necessitatem; memorabas antiquorum Regum exempla; sed & recentia; ubi tot Christianos Exercitus, eodem tempore, stare in armis, aciebusque medio hieme decertare videbas. An vero solum Polonum, causis belli potiorum; duriori sub aëre natum; similia, si non maiora, pati non deceret? Dictis, ILLICIA addidisti; Princeps in Patriam, vitæ, Sanguinis, & opum liberalissime. Non parca manu, denuo fecisti numerare peculium; quod excitando ad fortia largiebaris militi. Tua Duces pro posse secuti facta.

Itaq; mouisti, Deo auspice, victricia Tua arma, PLVS & ULTRA itura: cum pars Exercitus, Magni Ducatus, ab inchoato deuiaret itinere; victus causata inopiâ. Quid adhuc? constans animi Tui Magnitudo? reuocare Regia authoritate abeuntes satagebas: nec redeuntibus illis; Tu tamen residua stipatus militia; quo destinaras, in trepido progredieris passu. vidimus tum armorum numero, robore virorum, Castra Tua; non animum decrescentem; ille idemque diminuto Exercitu, qui integro, eras.

Ibas; Flumina, Palludes, Terrarum tractus superans: ubiq; obuias habebas Ciuitates; ubique patentes virtuti Tuæ Arces; mania & vrbes reperis; & quæ hostis infederat loca; vi, ferro, expugnas Omnes Te illæ Terræ Barbarica prophanatæ feritate; fortunæ Suæ venerantur Reconciliatorem; plura vno Mense recipis aut extorques hosti; quam ille integra æstate; tantis occupauerat Exercitibus. Ita perpetua nec interrupta Feli-



citātē armis Tuis KALNIKVM, BRACLAVIA, MOHILOVIA,  
RASKOVIA & sexaginta alia cessere Fortalitia, VRBES &  
CIVITATES.

Rerum Caput CZEHERINVM, cum eo Fax belli super-  
erat Dorosius : Ijs quoque armati Regis trepidus ad-  
uentu ; tot Commissorum in Orbem Christianum,  
criminum, VINDICIS ; illud iam solum circumspecta-  
bat ; quomodo victoris mereretur clementiam ? Hinc  
Moschouitica ; Illinc Tua Rex Inuicte metuens arma ; &  
nisi Te tanto Equitatus robore destitutum, citius quam  
parerat accepisset ; exindeque Moschouiticam tardius  
Societatem processuram, suspicatus fuisset ; Braclauix  
eum supplicem Regias ante plantas conspexisses ! Verum  
placuit adhuc Superis hanc vltiori tempore reseruare  
gloriam ; dum alterius, amplissimam, tota illa hieme  
Tibi subministraret occupata Vkraina materiam : vbi  
etsi minora destinatis Tuis, maiora tamen expectatio-  
ne Orbis ; Te ibi patrare audiuius. In hoc vnice in-  
tentus eras ; vt inter gelidos horridæ brumæ rigores, illis  
in Prouincijs ; Imperij Tui accenderes amorem ; quæ  
immani laceratæ Turcarum crudelitate, se Paterna Tua  
gaudebant foueri solitudine. Quibus lassum, hostium,  
vitam reliquerat ; ferrum : Tuum sustentabat aurum.  
Ærarium, Comeatibus comparandis ; Præsidij, conser-  
uandis, impendisti ; ne grauamine aliquo Clementæ  
Tuæ, illis in populis læderetur Fama. Tuo illi velut  
Numinis lætabantur aspectu ; tam faciles Portas Tuas  
accedentibus ; quam liberalem arcam egentibus ; cor,  
animumque vniuersis patuisse Tuum, eorum ore au-  
diuius, qui ex ipso loquebantur experimento !

Hinc est, vti quamuis tota contra Te sedibus suis Tau-  
rica Chesonæus mota ; quamuis vicinæ, Cis & trans  
Danubium Prouinciæ Turcarum : contra Te excitæ ;  
ductu Silistriensis Bassæ ; pacificam Tuam Vkrainæ im-  
peterent possessionem ; attamen illa deliniti Populi cle-  
mentia ; ita Tuis fortiter adhæserant partibus, vt Turcæ  
gemi-



geminatis affecti cladibus ; cæptis desisterent : Tartari verò pridem edocti , Tua in illis quid valeat FORTITUDO ; ex oppugnatoribus Spectatores facti ; quorum ferè in oculis Principis Radziuily Ductu , Tuis Princeps Fortunatissime , auspicijs ; Ciuitas & Arx Pauolocia munitio , & Præsidio hostili validissima ; expugnata . Ita tum Tartarorum Chamus , & subalterni eius Principes ; quibus aliquando licebat , & magnos laceſſere , profligareque Exercitus ; & Regias quandoque cum illis obsidere personas ; iam nunc velut oblitus quid possint ; eum aggredi metuebant ; quem tantus nuper Orientis fugiebat Imperator .

Nec his solùm Fortitudo Tua exercebatur hostibus ; dum Exercitum per Statiua distributum , præsertim vero Equos , omni crudelior ferro stringeret fames : Hæc vniuersos præmebat pænuria ; quam etsi Regia liberalitas Paternaque propulsaret sollicitudo ; plus tamen ad eam tollerandam valuit ; mens illa Tua nullis Succumbens ærumnis ; erecta & explicata se exerens facie ! Hac se animatos vegetatosque ; hac pastos . Tuos legimus Commilitones , quibus & Dies & Soles , nitebant clariores vultus vbi Tuuserat .

Polonia interea Tua ; illeque Elector Populus , qui Te suum dixerat Regem , vniuersa beatior factus Christianitate (quæ tum ferri sub Potestate Hibernabat) à Barbaricis liber incursionibus , Regij Tui pectoris obiectu securus ; Tua inedia , Tua angustia , Tuis laboribus , Tuis periculis , Tuis insomnijs ad Delicias vsque , securos redimebat somnos ; felicisque Electionis fruebatur & dilatae Coronationis utebatur fructu . Felices deperditorum Equorum inibi iacturæ ! quæ tot Equestri Ordinis conseruarunt Capita ! hostilem Equitatum quo solo nobis grauis , in pedestrem conuerterunt militiam ! non infortunatas militum Tecum excubantium ærumnas : & Societate sui Principis ; & eo , quod velut Spinæ acutæ optatas , quietis nobis produxerint rosas ; talibus lucris quis non lætior sua cupit pensare damna !



Sed iam instante verē, non iam pullulantibus, sed imminētib; ab Oriente periculis: Tuæ hīc opus habebat præsentiæ VMBONĒ, Ales Polonus: quem ei nec potuisti nec voluisti negare. Firmata præsidijs Vkrainæ possessione: reddis Te nobis Princeps desideratissime. Cui velut obuiam facta, grata pro tantis beneficijs Patria; denuo Tibi Regiam Purpuram, Thronum, Coronam, præsētat: ad Regalia inuitat: Sed canente iam Classicum & vocante ad prælia Tuba; non Te hæc morantur decora: cuius actionum SUPREMA LEX; VITÆ MAXIMUM DECUS, SALVS POPVLORVM. Itaque Clamidem pro Purpura; cassidem pro Corona; Clauum pro Sceptro denuo sumis.

Aduentabat ingentibus Copijs stipatus, quatuordecem Ducibus Bassis Comitatus Imbraim; Tartarorum Chamo & Soltanis coniunctus: Nomine, solo & Maestate Imperatori relicta; Orientalem trahebat Potentiam; Tuoq; Princeps Inuicte eandem iam infundebat Regno: longe lateque sparsis cernebatur ignibus: Tu vero his ipsis Illustrior incendijs: actiuior æstibus, Princeps. Præmonitis per literas Primoribus; Conuocatis qui adesse poterant IAVOROVIÆ Proceribus: Primate Regni de tanto periculo informato; ipse in Consilio præsētia demonstras discrimina. Darent tunc Consilium ei, Cui Tu Te, Tuaque profuse iam dederas. At de repente tanta imminens potentia; moram Coadunandis viribus negare; supraque humanum, videbatur, esse Consilium. Vnanimis itaque Tibi Princeps (cuius in persona Respublica stare, cum eaque cadere, censebatur salus) Trans-Vistulanum suasere regressum; vbi sparfos congregare Exercitus; Nobilitatem mouere; hosti, obiectu fluminis Te facilius resistere posse demonstrabant. Verum Tibi aliam Superi eamq; Summos inter æstus præsēntissimam, dedere mentem; malis cedere Nescie Princeps. Memortum eras quantam Regni Tui, ne dicam potiozem portionem, hostili post Te reliquisses furori;



furori; quam latam Barbaris Cracouiam vsque aperuisses viam; quanto cum dedecore illa ex Statione cecidisses? Quale iam Tibi restasset Regnum? si ijs contentus fuisses limitibus, quos repentinus ille præfigebat Pauor? Igitur hostiles Te velle proprio, pectore sustinere impetus declarasti; totus Regno Tuo fieri Clypeus; potius gloriose illis immori terris; quam deformi fugâ Tibiq; insueta tot hominum millia deferere; inque Patriæ penetralia recessu Tuo hosti faciles monstrare aditus? Magni quondam Leonis, vrbis fundatoris, ceu fortis, Hercules, Sarmaticus, respicis Exuuias pergis Leopolum, hostibus obuius; necdum duorum millium bellatorum, numero Comitatus; Castra munitionibus vrbis, Castris munitiones coniungis? viginti horarum spatio pernicious insidens Equis, aberat hostis; eadem hora in conspectum Tuum venire; & Te aggredi poterat; qua Tu Castris Idoneum vix occupasti locum. Nominis Tui fama pro vallo erat; millibus armatorum æqui ualere præsentiam Tuam; confessus est hostis; Ciues vero Tui ex Te vno mille Clypeos sibi pendere cognouerunt. Ita confusus ad famam Tui substiterat; Barbarus, ut rebus ordinandis necessarium, tibi concesserit Spatiū.

Vnde ex arte Imperatoria, Exercituum Ducem, Principem Demetrium, ad regendam Volhyniam cum parte Equitatus, oportuno Brodij, collocasti loco; Supremum Regni Vexiliferum; ad impediendas Rusliæ vastationes in Brzezanij, cū valida militū manu excubare voluisti. Rusliæ Palatinum Złoczouix, ad intercipiendum inter Te & illum hostem, includere voluisti; alios per montana & Siluestria oportunè dispositos; alios ex Vkraina reuocatos; hostium voluisti insistere tergo: inque eum modum vniuersa Ordinasti, ut ille paulò ante conceptus metus, qui cauebat ne veniret; iam in votum transfiret desiderans, ut quantocius illa comparere auderet potentia; vndique intercipienda, cum Cladibus reuersura! Adeo militari ex prudentia. Naturam



locorum, momenta temporum, in Tui conuertens vsum; ex pessimo rerum Statu, in meliorem Te conuerrere potuisse, læto accepimus experimento. Ita iam sollicitum de Te cum Republica Primatem, ea absoluisti cura; ne Sedibus suis, tempore melsis euocaretur Nobilitas: frueretur quiete, eadem, tempore æstiuo; quam brumali eidem concesseras; Te illa pro le & algentem, & sudantem experiretur Principem!

Sensit Suis toties cautior ruinis hostis, Martem & artem Tuam. Vitat quantum potest congressum; iramq; transuersum effundit. Zbarazium antiqua potius fama, quam alia vi nixum, non tam expugnat, quam agrestium confusione occupat. Quo facto, tot hebdomadas in loco consumit deliberabundus; quo se verteret? Vbiq; Tuas, Fera, metuens casses. Ita qui antea effusis solebat grassari agminibus; ingentesque spargere vastitates Barbarus; iam tum excubijs Tuis arctatus; glomerata multitudine, testiduneo incedit passu; de longe quærit famellicus quem deuoret? Hinc recensendi essent conflictus Tuorum felicissimi; liberati captiui; fauciati Tartarorum Principes; captiuati Duces: reiecti à Fortalitijs insultus; strati hostilibus cadaueribus Campi; quæ omnia longè maiora à Te hostibus illata damna, quam accepta, ostendunt; nisi me Compendium non, Diarium gestorum Tuorum memorantem, breuitatis moneret Oratio.

Longam post deliberationem Imbraim, seu sibi desuper metuens; seu vires Tuas auctumiri, Lituanicis Exercitibus existimans; si vltra moraretur; tandem decreuit Ottomanicam, Tecum experiri Fortunam. Igitur selectorum è ducentis millibus bellatorum, ad quadraginta millia Equitum, meditato destinat operi: Tua iubet agredi Castra. Non cunctabundus procedis obuiam, quos diu expectabas: vno, medioque à Castris & vrbe milliari, apertis Tuos explicas Campis: Alacris It ad prælia miles, securus non vinci; cui Impera-

toria



toria prouidentia Tua, secura vndequaue parauerat receptacula.

Primo ex conflictu didicit Barbarus; & Te ibi vnde tam acriter petebatur presentem; & antiquum Fortunæ Tuæ RITVALE hostili semper rubere sanguine. Ideo nunquam turpem, vbi salutiferam sensit, capessit fugam. Soluitur illa nubes, quæ vastissimos nuper contexerat Campos! diffluit in ictu pene oculi, pernicipibus abrepta Equis; & ne quid fugientem grauaret; arma, vestes, Ehipia, captiuos abicit. Reliqua multitudo occumbenti debuit soli, quod eam ab insequenti Tuorum militum ferro, nox texerit opaca! Hæc erat illa dies inferas memoranda posteritates; quæ tantam exigui temporis videns victoriam; Tibi immortalem fugatorum hostium, illis ipsis in Campis imposuit Coronam! In crastinum cedentibus institisses, nisi fugam illam tam velocem fuisse constitisset; vt plurium dierum iter vna confecerit nocte. Quare consultius videbatur diu sperata & expectata, Magni Ducatus operiri robora; quæ pallustribus & aquosis intercepta locis: tardius procedebant. Barbari inter ea continuis Tuorum vexati vndique insultibus; recenti tanti Equitatus confusi fuga; virium Tuarum in dies comparentem reueriti Auxessim; regredi iam ceperant; & quod sibi supererat, temporis; Obsidioni Podhaycy impendere decreuerunt: vel illo successu, suam obliteraturi, infamiam. Mouerat Te illius loci & hominum periculum Princeps, ad succurrendum promptissime; itaq; sparsim locatas contrahis vires: comparentibus iam in Castris Magni Ducatus, Copijs; bellicum conuocas Consilium. Cui dum ex Ducentis bellatorum millibus; selecta, quadraginta millia Equitum hostilibus sub signis adesse constaret: vniuersi, periculose opus Aleæ existimant; tanta cum Potentia totque gradibus Superiori, aperto decertare prælio? Passim ea placuit sententia, vt personam Tuam Princeps magnanime, vt Reipublicæ robur melioribus reseruares temporibus; sat gloriæ



Nomen Tuum habere; quod tanto Exercitu nullam rem insignem Tui gesserint hostes. imo vexati, fugati, recedunt; prædam iam cum Prouincias per Te, non licuit, quærunt & auferunt; Misericordiæ Dei magnalia in Te venerari Poloniam quod ipsam consumi non permiseris, Tu vero quid adhuc? ad ardua habituante Imperator? O immitanda Christianis Principibus animi Tui sensa! quæ in hunc exponis modum. Tot Christianorum millia, tot innocuas animas, prætioso Saluatoris redemptas sanguine, in duram abactas seruitutem; me respicere; me liberatorem & iustum præstolari vindicem; egonè diutius illorum patiar sortem & sine conscientiae remorsu, sinè bonæ famæ apud Orbem læsione, hic longius armatus morabor? absit hoc nefas; nec Imbraim alia habet vota; quam vt ego Generosiores amittam sensus. luuabit Sanctam piamq; causam Dominus ille Exercituum, qui non in multitudine hominum, & Equorum, Victorias operatur.

Factis, dicta Tua implentur. Moues arma contra Barbaros; & quanto dolentius, facilitate defendentium Podhayce hosti cessisse percipis; tanto acriori velut stimulatus ardore; ad excutiendam faucibus Barbarorum prædam Tuum acceleras iter. Nec hostes fugiendos segniores; superant flumina; disrumpunt Pontes; debiliores vel grauiore vindici Tuo obijciunt ferro: nec euasis- sent ni vliginosæ Terræ, continuis madentes pluuijs agri, Tuam remorati fuissent diligentiam! Adhuc Tremboulianæ Arcis auidus Imbraim. Incredibili æstu & Hinc



astu oppugnat munitionem; tamdiu, quamdiu aduentus Tui Nuntius ab incepto eum non fugauerat opere. Hinc iam CERVO DAMAQ; FVGATIOR IBAT, vicinam versus Valachiam, exiguam nec tantæ potentæ correspondentem referens prædam. Tu interim eos quos fama aduentus Tui periculo liberauerat, præsentia, Regia re-creatos; insigni remuneratos munificentia gradibus militaribus prouectos; inter eximia præmiatæ Fortitudinis recensens Exempla. Hostem, Tuis insequi iubes: Pontem eorum occupas; Camenecum omnibus destituis commoditatibus: Vastitateque illata cingis: per Valachiam diuersis itineribus Equitatus Tuos emittis; desertamque pene ad Dunabium vsque efficis Arabiam; quo difficilior posthac hosti in Podoliam daretur aditus. Tandem gloriosa post certamina, consumato feliciter cursu; missis in remota Orbis Climata tot gloriæ Tux præconibus; quot pulsis hostibus: eas Coronationi Tux paras INDVCIAS quas diuturnioris moræ impatiens CORONA IUSTITIÆ expectabat. Tandem dimisso tantisper ferro, Auspice Numine, sum is calamum; quo diem Coronationis Tux assignas; Ordinibus Regni Comitia indicis; & quam fortitudine Tua Reipublicæ Formam conseruasti; eam sine ruga Patriæ reddis libertati. Christianæ pietatis minimè oblitus, quâ Supremis Serenissimorum Antecessorum Tuorum exuuijs parentas officiosè.

Haftenus deuotus Maiestatì Tux Calamus meus, ab Electoralì Campo tantis Terrarum tractibus ferreum; Tuum velut fidelis vmbra sequebatur stylum; nunc liceat illâ Populi Poloni denuo, venerari prudentiam; quæ fauente Numine eum in persona Tua inuenit Principem; qui memor nostri, oblitus sui, septemdecem per Menses ab vniuerso spectabatur Orbe. Qui Coronationis Sux non per otia & ludicra, non per neglectum; & omissionem extraxerat tempora; sed velut fortissimus Athleta inter luctas & sudores; inter prælia & certami-



na, Supremos à Patria auertendo agonēs consumplerat. Qui seculorum impleuit memoriam, Magnitudine rerum vnus & medij anni spatio gestarum. Et hoc est illud immortalitatis atrium; in quo vix Romæ quondam in Fabijs visa, hodie intuemur decora; Illustria amoris in publicum documenta; quæ lætæ in hunc sensum mandamus posteritati. Quia

Ioannes Tertius Electus Rex Poloniæ, nō Veios aut debilioribus ex hostibus vnum; sed illam Orbis Terrarum, qua maiorem non habet potentiam, proprijs sustinuit viribus; totumque supra humeros recumbentem Principatum; vt quondam Pius Æneas Patrem, ita ille Matrem & Clientem, Rempub: plusquam Troianis subduxit incendijs! Quomodo enim id vel ipsa negaret Inuidia; cū vniuersi viderimus, eius solius ductu; auspicijs, laboribus, algoribus, sudoribus, insomnijs, Consilijs, pecunijs, amicis Fortunisque; Sarmaticam hanc propugnatam Spartam? Eum militem sub signis retinere; eum stipendia numerare: ab alijs amicis promptam ad prælia manum; ab alijs pecuniaria Subsidia accipere; postque vnum alterum & amplius millionem expensum; post litatos personæ propriæ, integræque; Domus Suæ, Bono Publico respectus; residua Fortunæ retenta; eiusdem Patriæ saluti exhibere vidimus: hoc toto tempore; quo ab Electione eius non militē in visceribus Regni grauem hieme; non hostem sæuum æstate habuimus; De longe eius audiui-  
mus pro nobis assumpta pericula.

Non omisisset alter Princeps nec Primum Coronationis Suæ Terminum; sed forte tot amisisset Prouincias; quot in illam occasionem excubans occupasset hostis. Prius quidem ad Comitia; sed posterius ad ea iuisset,

Castra;



Castra; quæ solum eis Vistulam explicasset; iam non sua ex aduerso prospectans litora. Plenius in Palatijs Consilium; sed rariorem sub Pappillionibus militem habuisset. Exactè obseruasset Leges; sed forsitan eas, quibus suas manus ligatas asserens: nil sinè nobis agere nil militi dare; nil publico præstare; nulla sine nobis subire bella; sibi Regia; nobis nostra relinquere pericula. Verbo dicam, fortè Coronam non Cassidem; Thronum non Equum; Regale Pallium, non Imperatorium paludamentum: Regnum, non Castra: ab Electore se petijse Populo, & accepisse credidisset.

Posthæc quam maiorem in antiquitate vidit Orbis, quam augustiorem Gentis Nostræ Fasti monstrabunt **SERVATORVM CIVIVM CORONAM?** Facile, erat Boleslais, Vladislais; aut truces extirpare Iaziges; aut feras in vicinia domare Gentes; aut occidentem versus Polona dilatare Pomœria Ferreosque figere limites; dum velut absoluti Principes, penes se Supremum Imperium: penes populos sibi subiectos, ineuitabilem obsequendi necessitatem haberent. Centum millia virorum in aciem educere, Septennibusque Equestrem Ordinem poterant, continere Castris.

Non difficile priori ad Chocimum bello, triginta dierum spatio vel minori, gesto & terminato: Plusquam quadraginta millibus Polonici Lituanicique Exercitus robore, Sexaginta millibus Cosacorum, Turcico bello ab ineunte ætate enutritorum virorum; tanti Imperij sustinere potentiam. aduentante in subsidium ipso cum numerosissima nobilitate Sigismundo Rege.

At vbi nunc non solum matura iam libertate sui que arbitra in Gente præcario vicinius est Imperium: vbi Triginta prope per annos exhaustus Populus Christianorum Principum inter se cruento Marte belligerantium, destitutus subsidijs solius Clementis Decimi Paterna suffultus liberalitate. Hostis è contra Europeo per Vngarica Exercitia, robore fortior; Creticis Triumphis



tumidior; & illo Regno potentior, in quo Christiani  
florem attriuerat Orbis: primis denique in Polonia suc-  
cessibus audacior effectus: Laborabit annalium fides om-  
nibus his non succubuisse malis; imò in recuperata  
Vkraina gloriosè assurrexisse Rempub: necessitatem acce-  
ptandæ pacis ab hoste oblatæ, eo quod nō sat decora esset,  
non habuisse: Tartaros Turcas toties profligasse; gemi-  
natis vicibus ipsum Orientis Imperatorem fugasse; ;  
quinguennali bello solum Camenecum, inter amissa,  
idque extra præsentis Regiminis tempora numerasse.  
Nobilitatē vniuersam, magno Imperij arcano, necdum  
ad prælia euocasse: stipendiario solum milite; quindecim  
millia non attingente contra tot Regna hostilibus  
inclusa Castris, depræliasse; ingentes ad hoc non ex-  
pressisse Contributiones: Maius penè, aut æquale in ho-  
ste, quam nobis iam inest, belli præsentis effecisse fasti-  
dium. Eo usq; tantam reduxisse potentiam, vt quæ Re-  
gna & Prouincias integras alibi occupare solebat, illa  
nunc nec vno terræ aucta iugere, vix eā habuit prædam,  
quam olim furtiux Tartarorum non semel auexere in-  
cursionibus. Hæc omnia non exercitui nostro, sed Gratia  
Dei, Ioannis in Nomine relucens; in Prudentia ope-  
rantis; in Fortitudine vincentis adscribere utique tene-  
mur; ni in Deum & homines ingrati esse velimus, in-  
eum inquam qui virium nostrarum INFIRMA elegit vt  
ductu Electi nostri, orientalis mundi confunderet for-  
tissima. Qui eum nobis præsentis Statui concessit Prin-  
cipem, sub quo vt quondam sub Traiano Roma FOR-  
TES MOVEMVS LACERTOS; Cuius ingenti animati Spi-  
ritu; spiramus fortiora, speramus meliora.

Nuper erat dum velut Canenses post Clades, de Re-  
publica desperabundi, iam iam migraturi Coloni, ha-  
bitauimus Poloni (cur enim vera profere non liceat.)  
Iam conuasatis Domi rebus; multi nostrum Externa  
prospectabant receptacula; cæteri TRANSVISTVLANAS  
quærebant possessiones: pro desperato habentes, quid-

quid

quid  
raqu  
prim  
habi  
neba  
ditio  
necd  
land  
TVIT  
mun  
gia p  
lupe  
boni  
Ad I  
spera  
grare  
Redi  
Com  
PIEN  
nost  
met  
peliu  
qui v  
pub  
ui fo  
fian  
ter I  
pæn  
non  
Hæc  
reue  
MA T  
Prim  
Imp  
quo  
DE



quid propè pericula erat: Plurimorum fortunæ, charaque pignora, iam fluminum innatabant vndis; ad prima famæ Nuntia, secundis descensura aquis. Iam, habitatoribus, vacuæ Russiæ Vrbes: vix miseram retinebant plebem; pars Magna Reipublicæ, melioris Conditionis *EXSPES*: cedere vltro ijs videbatur Terris, quas necdum petebat hostis. *IOANNES TERTIVS*, fortiter bellando, meliora exemplo suo monstrando; nobis *RESTITUIT REM* Vbi eum vidimus Regiam Personam; domumque: illis, vnde cedebamus, inferre Terris: ibi Regia pignora locare; latifundia dilatare; peculium, vasa, supellectilem, prætiosam; & transferre; & liberalissime boni publici causa distribuere: *REDIT* quoque *NOBIS AD PRÆCORDIA VIRTVS*; sperare incipiunt omnes; desperat nemo. Pudet eo iam cedere loco; alio exinde migrare velle; vbi tantus Princeps suam explicat fortunam. Redit suum Terris illis pretium; redit Ciuibus, boni Communis amor; bellici studij ardor. *VOLENTE, CUPIENTE, FACIENTE, IUSTA, FORTIA, MAGNIFICA PRINCEPE* nostro: *NEMO EST QVI NON EADEM VELIT*. Iam ea quæ metus, & desperatio à tot annis remotis in portubus, sepe liuerat deposita: spes melior eruit. Veniunt foras, qui vel ideo fætebant aurei argenteiq; *LAZARI*, quod sub publica tutela nati; publicæ negabantur necessitati. Breui fore vt exemplo Regio, priuatæ Ciuium fortunæ, publici fiant Iuris. Gliscet Generosa inter Seniores dandi; inter Iuniores bellandæ mulatio; dum iam passim plerofq; pæniteat, quod in Castris tanto cum Principe hiemes non transigerint; quod periculorum Socij non fuerint? Hæcce post primordia, breui illa maiorum Nostrorum reuertentur tempora; vbi æstimationem suam, non *ARMA TOGÆ, NEC CEDET LAVREA LINGVÆ*. Tua hæc sunt Princeps Augustissime decora; hæ Coronæ, conseruati Imperij, Spiritu Tuo animati. Tibi debemus, quod; qui paulo ante videbamur de *LIBRO VIVENTIVM, DE CATHALOGO SVBSISTENTIVM IMPERIORVM* fatali Otto-



manorum eliminandi potentia; ecce adhuc in Te Auguste Princeps, VIVIMVS MOVEMVR ET SVMVS; imò quia denuo fortia patrare, quia denuo bono publico Nos Nostraque litare, Tuo exemplo, Te Duce & Auctore reincipimus, felices nobis, Orbi æstimandi, resurgimus.

Hæc est opima illa, tam ARMATÆ quam AVRATÆ Dexterae Tuæ seges; hic beneficiorum Tuorum manipulus; Fascia æternitatis colligandus; quem laborum & liberalitatum Tuarum, Martis in arena iacta semina producere: Septemdecem Menses, ab Augustis operibus Jure omnes augusti vocandi, maturefcere fecerunt: Inuicta melluit Fortitudo.

His gloriôsè peractis, progredere Princeps Augustissime, ex ARENA vbi BONVM quia publicum CERTASTI CERTAMEN: Ex STADIO, in quo CVRSVM GLORIÆ CONSUMASTI: progredere ad SOLIVM, vbi REPOSITA est TIBI CORONA IUSTITIÆ; QVAM REDDIT TIBI PER MANVS PRIMATIS SVI SENATVS POPVLVSQ; POLONVS: HAC DIE, qua Te in Ecclesia Dei inter tot LVCERNAS, ABIGENDIS TENTATIONIBVS, ET TEMPESTATIBVS accensas; Magnum diei Sarmaticæ veneratur solem; Clarissimi Regiminis Tui Sacris Candelarum ex ignibus, summens auguria. *Capelle vicariam* Numinis Potestatem; rerumq; humanarum arbitrium. En iam ea à Te in solio consistente quæ à Deo in Sole Tabernaculum suum ponente; vniuersa præstolatur Polonia. Ideo vtramque, Dei scilicet & Tuam Maiestatem; solem & solium; vel ideo Serenissimum appellat; quia omnis Serenitatis, hunc & illud, nouit esse Originem: Ascende Princeps Auguste, illud solium; vbi noctes vmbraeque pellere; Nubes & tempestates dissoluere; Serenitatis Tuæ radijs: colorem & faciem rebus reddere. Tui Princeps Auguste erit muneris; vbi humanæ neccesitates, tot Tibi supplices vultus; tot vota explicabunt, inter quæ etiam illa forte vel ijs similia occurrent Paradoxa: quæ pluuias sæcundas; àerisq;

*Beſto  
Canda  
larum  
Coro  
natur.*

àeris  
expe  
C  
Ecc  
cio  
gnit  
bus,  
bare  
ptas  
lora  
hilar  
pern  
H  
hæ  
licita  
tran  
Scop  
allisa  
gula  
ſper  
pete  
ferit  
A  
Pro  
PIEN  
fime  
nem  
ab a  
ea ſa  
peri  
ritar  
pug  
vnâ  
puta  
Nur  
iust



àerilque temperiem; magis à folio Tuo, quam ab ipso expetent sole.

Occupa Augustum Regij muneris Tribunal; in eoq; Ecclesiæ, Patriæ, tot Ciuium, Diuino quia Regio Iudicio, diiudica desideria. Sistent se Tibi illi, qui his dignitatibus, aut illis munijs, se à tot annis, tot ex rationibus, dignos esse præ cæteris iudicarunt. Tuum erit approbare, vel retractare, tot sententias: multorum præconceptas de se, sine confusione, confutare; sine inuidia meliorare opiniones; his rem; illis spem concedere; hos hilares, sed nec illos tristes à Maiestate Tua recedere, permittere.

Hic Regum nostrorum vt aiunt saltus, hic Rhodus, hæc symphlegada, per quas Reipublicæ Naui, aureum felicitatis publicæ petenti vellus, Te ad Clauum sedente, transeundum est! Princeps Augustissime. Hi sunt illi Scopuli, ad quos sub Antecessoribus Tuis toties nostra allisa ratis: tot ventis iactata & vndis! Nulla petendi regula coercemur, tantum petere permisum; quantum sperare licuit; iamque fere in vsum venerat rem vnā, petentibus multis; vni, vbi minus ex æquo & iusto cesserit, reliqui repulsam, trahunt in offensam.

At hoc, nos iam absoluit periculo, æterni Numinis Prouidentia; quæ Tibi sedium suarum Asistricem SAPIENTIAM, & IUSTITIAM concessit, Princeps sapienter Iustissime; vtriusque assistentiæ, viuos & ante & post Electionem Tuam, legimus in Te Characteres; vtriusque à Te ipso ab actionibus Tuis continuus eras Exactor; Tuum erat ea sapienter cupere, quæ iustè peteres; Sapientiæ ex Imperio oblatum, Principatum; Iustitiæ ex præmio emeritam accepisti Coronam. Cum vtraque prius mereri, pugnare & vincere; bellare & triumphare voluisti; vt vnā Tecum ambæ in solio regnarent. Sibi non Tibi imputabit, quisquis SAPIENTIÆ & IUSTITIÆ non consultis Numinibus: à Te quidpiam petere præsumet; Nemo iuste Tibi incensere poterit; quod aliter dare beneficia

M

peten-



pētētibz non valeās, nisi qualiter Tu ea quondam  
acceperas: ita scilicet te vocationi Tuæ accingere sole-  
bas; vt Tu muneri Tuo datus; non munus Tibi dona-  
tum videretur. Tandem quis iniquo ferret animo Te  
salutem Populorum PRO LEGE SUPREMA reputantem,  
illa solum priuatorum desiderijs concedere vota, quæ  
publico concordant bono; illis fauere competitoribus;  
qui cum petitione capacitatem adferunt. Diuinæ enim  
Sapientiæ Dictamina, Principalis Tui, id est Regis Re-  
gum, eam Regnandi suppeditant Methodum ut ex illa  
pateat, non aliter Informē nascentis mundi chaos, in tot  
subalternos efformatum Orbes; Nisi per exactam Ele-  
mentorum ab inuicem diuisionem: vnum quodque  
illorum, intra suas cohibendo Sphæras: Sic Tu Prin-  
ceps Auguste, difforme status Nostri Chaos, non aliter  
ad debitum reduces Ordinem: pristinæque reddes Se-  
renitati; nisi Ciuium vota, in tot distinxeris Classes;  
quod illorū exigunt capacitates; nisi eam corpori Politi-  
co conseruaueris simetriā: vt cum omnibus omnia pete-  
re permissum, obtinere tamen non liceat; ne quis hanc,  
quam non nouit artem, exercere prætēdat. Tui ad exem-  
plum totus componatur Orbis. Tui inquam, ad exē-  
plum; qui omne in Republica munus: vt onus accepta-  
re solebas. Cuius rationem à Te ipso in conscientia,  
& bonæ Famæ, Tribunali, exigebas.

Hinc est illud impenetrabile tam diuturni SECRETI  
TUI ARCANVM; quo sperare omnes; desperare neminem  
vidimus; quo omnibus benemerendi datum est spa-  
tium. Quo nemini fauore Tuo inolescere; aut repul-  
sa confundi permissum; Tu interim Princeps Sapien-  
tissime, in SACRARIO pectoris Tui, nostras verba s for-  
tes, perpendebas MERITA, indoles connotabas; vt po-  
stea conferres beneficia, non proiceres, vt Ecclesiæ Dei  
Pios sinè fūco ANTISTITES: Currulibus Rectos sine nāuo  
Senatores, designares: Magistratibus Rempublicam,  
non Magistratuum vocabulis adornares: hominibus,  
ē litibus, non eorum simulacris, CVRIAM, CASTRAq; im-  
pleres.



plères. Et quemadmodum sol ita in Oceano comparet;  
 ut in minimo quoq; totus videatur fonte; Ita SAPIEN-  
 TIA & IUSTITIA TUA, omnia Regni Tui TRANSCENDENS  
 SUBSELIA; tota ubique nec defectuosa resplendeat. utq;  
 de Deo & Principe etiam in minutissima pagina, non  
 modo in magnis voluminibus, blasphema legere non li-  
 cet; ita in quavis dignitate, etiam subalterna, nefas est  
 Principum vel eorum Iudicii impropria intueri;  
 quot Magistratus à Te creati, tot Tuæ Panegyres erunt,  
 IUSTITIÆq; DISTRIBUTIVÆ MONUMENTA. DIVITIIS IUSTI-  
 TIÆ & SAPIENTIÆ Tuæ Cultui immorantibus nobis; illud  
 adhuc inter ingentia numeramus in acceptis à Te bene-  
 ficia, Princeps in publicum Beneficentissime. INDUCIAS  
 intelligimus, quas nobis eo fine inuicta Tua operata est  
 Dextera; ut post tam diuturnum Iustitium, veterem  
 Reipublicæ intueremur Formam; liberas denuo & pro-  
 feramus & audiamus voces; dispersos nuper Varijs tem-  
 pestatibus, Ciues, in Concentrico Coadunatos recen-  
 seamus Capitolio! Libertatem auitam, Sartam, Tectamq;  
 Umbone Tuo reuideamus; Hæc quam bene Tuis Prin-  
 ceptis Auguste fuerit concredita manibus; consulus ex-  
 pertus est Oriens; nec facilius Tibi posse extorqueri  
 hanc Clientem, quam Herculi Clauam.

Ita Seruatam Patriam, Iuris sui esse iubes; dum bel-  
 li pacisque quod ipse hætenus habueras, eidem ce-  
 dis arbitrium; Hoc contentus quod ex specula Re-  
 galis Throni!, præsentis temporis pretium Ciuibus  
 monstras Tuis. Quod bene impensum, salutem:  
 male extractum, Supremum Populis accersit exitium.  
 Edoces, non deesse Regno Tuo numerosa virorum  
 robora, arma, Equos, Comeatus, peculium: ingentis  
 Exercitus: formidandi Imperij materiem. Vellent  
 vnanimis Ciues, Sanctæ FIDEI communiq; saluti; sibi  
 deniq; ipsis, id in vectigal ferre; quo adhuc abundant;  
 quod hostis turpisque alias eriperet fuga. Vellet totum  
 Corpus, eorum malorum habere sensum; quæ heu ni-



mium affectu, iam pridem sentiunt partes ! Spectaret;  
Prussia, ut sua, Russia pericula : Lituani non alienas  
crederet, quæ Vniuerso communes efficit Poloniae cala-  
mitates; nemo se saluandum crederet, nisi integrate  
Vna salus omnibus, idemque periculum etsi forte tar-  
dius; cras hos opprimeret; ubi istos hodie oppresserit.

Quidquid in priuato possidetur; publica peperit tu-  
tella; Cui si non dare, saltem mutuare tenentur vniuersi.  
Cum fœnore illa reddet, quæ accepit; negata cum dede-  
core perdet. Hæc non verborum sed factorum tenore  
liberis explicas Populis; nec à longe petitis persuades  
argumentis; sed proprijs Tuis exemplis, ad ea facienda  
inuitas, quæ iam ipse fecisti. Primus sperare de Repu-  
blica cœpisti ne alij desperarent: Primus publico largi-  
ri, ne alij tam illiberales essent: Primus Palatij delicias  
aspernari; ne Ciuibus Tentoria essent fastidio; Primus  
luxum calcare, ne sumptuariæ Legis praxim erubesceret,  
Ciuis; quam in ipso cerneret Principe. TV REX, TV LEX  
ANIMATA; non in Codice quærenda, sed vel aperto in  
Throno Populis immitanda; eas viuendi explicas Re-  
gulas; quas SAPIENTIA & IUSTITIA TVA dictauit. Tu ipse  
Princeps Auguste fecisti, antequam facienda propone-  
res. Iamque nihil superest, quod à Te Christianus Or-  
bis; quod Patria, quod Ciues Tui amplius petere va-  
leant; omnium præocupasti vota; aut ijs quæ fecisti, aut  
ijs quæ Te Facturum declarasti; iam ad illud venisti  
punctum vltra quod salua Libertate; nec Deus, nec Tu  
qui eius vteris Potestate, procedere valetis. Nos SIN-  
CE  
NOBIS SALVARE.

Quanta vero posthæc omnia ab Orbe Christiano, cu-  
ius Antemurale Inuicta Tua protexit Dexterâ; quanta  
à Senatu Populoque Polono, æternæ gratitudinis pro-  
seruata Patria, Te manent decora? Generis humani, im-  
mortalium hæroum, per omnem antiquitatem respice  
memoriam? horum Augustum nomen Tuum inlere-  
tur Cathalogo. Hoc addito. Quod cōplanēt em-  
pore



pore, quo Christianitas tota in sui conspi-  
rauerat exitium, mutuūque fuderat san-  
guinem: Ioannes Tertius Rex Poloniæ Gen-  
tilitio Suo Clypeo illius fulminis, quod ab  
Oriente exit, excipiens ictus: effecit; ne fatali  
per latuꝯ Sarmatiæ Christianitas caderet vul-  
nere. Hoc ipsum Imperium, Gens & Nomen Polo-  
num; durabiliora quam labiles Pyramidum moles, da-  
bit Nominis Tui in posteritate **MONUMENTA**; quot  
Prouincias, Vrbes, quot Sacra hoc in Regno numera-  
mus Basilicas, tot gloriæ Tuæ exurgere testes; quot Ci-  
ues, tot **VOCALIS, MOBILES, NOBILES, ET**  
**EQVESTRES STATVAS**, Colossos & Obeliscos,  
Gloriæ Tuæ stare credimus: nec in Marmore sculpta,  
sed in cordibus, æternis Characteribus scripta Tua, Le-  
gent Elogia: **NATI NATORVM ET QVI NA-**  
**SCVNTVR** ab ipsis. Ita qui mortalem antea viuebas  
vitam; hæroica Methastasi in Corpus Reipublicæ trans-  
latus; quanto magis illud & perfectius animas, tanto  
certius mortalitatem Principis exuis, Reipublicæ induis  
immortalitatem.

Sed quantilla est pars ista, illius quod Te desuper  
manet præmij! Quidquid mundus hic tribuit; vel in-  
ter monumenta gratitudinis ostentat; vmbra sunt, so-  
lidi illius Boni, quod Supremum Numen, ante & sera  
post fata in Generationes vsque præparat ijs; qui ritè  
**Vicariam sui exercuere Potestatem.** Hæc

sola est illa **Corona Iustitiæ**, quam reddet Tibi  
**Iustus Iudex Deus.**





port, duo Christianitas tota in sui compi-  
tuerat exitum, mutuumque fuderat san-  
guinem: Ioannes Tertius Rex Polonie Gen-  
tilio suo Clypeo illius fulminis, quod ab  
Orione exit, excipiens ictus: effecit: ne fatali  
periculum Christianitas caderet vul-



neret. Hoc ipsum Imperium & Nomen Polo-  
niae, quibuslibet quam labi vastumque moles, da-  
bit Nomenis sui in posteritatem. **IN VMENTA** p. hoc  
Provincias, Urbes, quod sacras hoc in Regno numero-  
mas Basilicas, tot glorie sue exurgere testes, quod Ci-  
ues, tot **VOCALES**, **MOBILES**, **NOBILES**, **ET**  
**EOVERSTRES STATVAS**, Colossos & Obeliscos,  
Glorie sue hanc credimus: nec in Martiore sculpta,  
sed in cordibus, æternis Characteribus scripta tua ac-  
gent **Blas: NATI NATI NATI NATI NATI NATI NATI NATI**  
**SCVNT VR** ab ipsa sua qui mortalem ante viuebas  
vitam; hæc tota Michaeli in Corpus Reipublice trans-  
latas: quanto magis illud & perfectius animas, tanto  
certius mortalitatem Principis exus Reipublice induis  
in mortalitatem. **sed** quam illa est pars ista, illius quod Te deluget  
trance premij! Quidquid mundus hic tribuit; vel in-  
ter monumenta grandis ostendat; vixit sunt, so-  
lidi illius Boni, quod supremum Numen, ante & scia  
post facta in Generationes vixit preparat ipsi: qui rite  
**Vicariam sui exercuerit Potestatem**. Hæc

solus est illa Corona lustris, quam reddet tibi  
**Iustus Iudex Deus**.



1. 4. 21.

stdr0027337



